

ՆՅԱՆԱԿՈՐ ՄԱՐԴԿԱՆՑ ԿՅԱՆՔԸ


ՀՐ. ՄՈՒՐԱԴՅԱՆ

54

ՊՌՈՇՅԱՆԻ ԿՅԱՆՔԸ

ՀԱՄԱՐՈՒԹՅԱՆ ԱԿԽԱՐԿ

ՊԵՏՐՈՎ



ՆՅԱՆԱԿՈՐ ՄԱՐԴԿԱՆՑ ԿՅԱՆՔԸ

ԶՈՐՈՈՐԴ ԳԻՐԺ

ՊԵՐԵ ՊՈՒՇԿԱՆ

1837 - 1907



ՅԵՐԵՎԱՆ - 1937

ՀՐ. ՄՈՒՐԱԴՅԱՆ
891.99.092 [Պուլյան]

ՀԱՅԱՍՏԱՆԻ 1981 թ.

ՊՈՇՏԱՄԻ ԿՅԱՆՔ

ՀԱՄԱՐՈՒԹ ԱԿՆԱՐԿ

A 6525
23473




ՊԵՏԱԿԱՆ
ՀԱՅԵՐԿԱԿԻՑ ՄԱՆԿՈՎԱԾ ԳՈՎԱԿԱՆՈՒԹՅԱՆ ԲԱԺԻՆ



Պատուի լսմբաղիր՝ Ռ. Զարյան
Հեղինակի պոլտրեն, անվանաթերթերը և տեխ. խմբ. Ան-
Գասպարյանի
Սրբագրիչ Ս. Շահբաշյան



1980



Պերն Պոռուշյան

Յեվ թող ապրի անմահ փառքով,
Ով վոր ցավը թույլ թշվառի
Կարեկցության հզոր խոսքով,
Դարձնում ե ցավը իր տշաբահի:

Հովհաննեան

Պերճ Ստեփանի Պոռշյանը ծնվել ե Աշտարակում, 1837 թվին հունիսի 3-ին, Նրա իսկական անունը Հովհաննես ե, աղքանունը՝ Տեր-Առաքելյան: Իրեն համարելով սերած Գյառնու նահանդի Պոռշ իշխանի տոհմից՝ վերանվանվել ե Պոռշյանց: Պերճ անունը կապված է առաջին բանաստեղծության տպագրության հետ¹: Վիպասանի հայրը՝ դերձակ Ստեփանը՝ գյուղի վերջին չքավորներից եր. նա ասեղով ու պտղուցով եր հայթայթում իր ընտանիքի ապրուստը: «Հայրս դերձակ ե յեղել և մայրս նրա ոգնականուհին: Իմ ամենախոր հիշողությունը հասնում ե մինչև հորս մկրատը, կիսագաղը և ընկույզի դազգյանը» պատմում է վիպասանը «Հուշիկներ»-ի մեջ: Դերձակ Ստեփանի միակ սեփականությունը փոքրիկ այգին եր, և մեկ ել անլույս ու խոնավ խրճիթը: Պոռշյանների հին տունը,

1) «Մեղու Հայաստանի» լրագրի 1859 թվի № 16-ում տպագրը - ված Պոռշյանի անդրանիկ բանաստեղծությունը՝ «Առ անձկալին Շուշան դուշտը Վարդանա» ստորագրված ե՝ Հովհաննես (նույն Պերճ) Պոռշ Աշտարակեցի: Հաջորդ աարին (1860 թ.) «Կոռուն կշում տպագրված «Սոս և Վարդիթեր» վեպը ստորագրված է Պերճ Պոռշյան:

ուր ծնվիլ և մանկության տարիներն եւ անցկացրել Հովհաննեսը, այսոք ել դեռ պահպանում եւ իր կիսախարխուլ գոյությունը՝ հին Աշտարակի մի հետ ընկած թաղում:

Ստեփանը յեղել եւ սիրող և հոգատար հայր: Նա միաժամանակ ուսումնասեր մարդ եր: Զկարողանալով կը թության տալ ավագ վորդուն՝ Խուբովին, խիստ մտահոգված եր կրտսեր վորդու վիճակով:

Յոթնամյա Հովհաննեսի համար նա ձեռք երեսում Զմյուռնիայում հրատարակված, պատկերազարդ և մանկավարժական նոր մեթոդներով կազմած այբբենարան: Յեղբոր ոգնությամբ Հովհաննեսը յերկու շաբաթում սովորում եւ կարդալ—գրել Այդ ժամանակ Աշտարակում դեռևս դպրոց չկար. և ահա Ստեփանը միտք եւ հզանում գյուղում դպրոց հիմնել: «Մինչև մի կանոնավոր ուսումնարան բաց չանեմ, չեմ հանգստանալ—միշտ կրկնում եր նա—ըերանիս թիքեն կկտրեմ ու ես պստիկին գոնե մարդ կշինեմ»: «Պստիկը» Հովհաննեսն եր, գերճակ Ստեփանի կրտսեր վորդին: 1845 թվին Ստեփանը աշտարակցիների հանձնարարությամբ Վաղարշապատից հրավիրում եւ «հրարունի», «փիլիսոփա» Շապուհ Շահնազարյանցին: Վարժապետ Շապուհի 70 աշակերտներից մեկն եւ դառնում Հովհաննեսը, ամենափոքրը և ամենաառաջադեմը դպրոցում: Մահակի և ոռզգու դպրոց եւ անվանում Պռոշյանը այդ դպրոցը, ուր յերեխաներն ավելի ծեծ ու հայնոյանք եյին ստանում, քան գիտություն: Պռոշյանին ևս առատ բաժին եւ ընկել Շապուհի բարբարոսություններից: Նրա արտակարդ ընդունակությունները և առաջադիմությունը չեն փրկել նրան ծեծից և նյատժից: «Տասնավոր ճղնիկներ ամեն աստծու տված որ փշը

վլում ելին ազդբներիս փափուկ մսերի վրա: Զարությունս վոչ այլ ինչ եր, յեթե վոչ մանկական անմեղ և աշխուժ խաղեր («Հոռշիկներ»). Մի այլ տեղ Պոռշյանը գրում եղանությամբ. «Որպեսի ելին տալիս ամեն որ մովքովները ռամիկին, ռողդի ելին տալիս Եղմիածնի դպրոցից դուրս արած կամ դուրս յեկած ու դյուղերը ցըլած խալֆերը իրենց աշակերտներին»:



Պոռշյանների տունն Աշտարակում

Այս շրջանում և, վոր Պոռշյանը միակ անգամ իր կյանքում տեսնում և Աշտարակ յեկած Յերեանի արքունի գավառական դպրոցի վերատեսուչ Խաչատուր Աբովյանին: Իննամյա Հովհաննեսը Աբովյանին դարձացնում է իր սուր հիշողությամբ, համարձակ, սրա-

միտ և խելացի պատասխաններով և արժանանում են բարա փաղաքշանքներին:

«Հուշիկներ»-ում Պոռշյանն այսպես են նկարագըրում Աբովյանի հետ ունեցած իր հանդիպումը.

«Աղան բարեկց, հետո նստեց խալիքա Շապուհի միակ հասարակ փայտչա աթոռի վրա և մատով ինձ լուր մոտ կանչեց ու հարցրեց.

— Բնչի՞ համար դու փոքրիկ ես ու քո հասակակիցներին թողած՝ մեծ տղայոց մոտ, բոլորի ծայրումն ես նստել, յերկի մեծերը քո դասըդ սերտացնում են համ:

— Մեղք կլինի՞, վոր ասես՝ յես եմ նրանց չփիտցածը գլխի ձգում, առաջին աշակերտն եմ, հանդգնաբար պատասխանեցի յես,

— Վանց թե դու յես առաջին աշակերտը, զարմացմամբ ու քնքշաբար առաջ քաշեց, յերկու ծնկների մեջ առավ ինձ ու հարցրեց աղան. դու դեռ մի թիզ չկաս, ահագին ահագին մազ ու միրուքով տղամարդկանց առաջինն ես:

— Կուղես՝ խալֆիս հարցրու:

— Հրաման քեզ, վողորմած տեր, դա մեր առաջին աշակերտն ե, հաստատեց Շարո խալֆան:

— Բհը՝ լավ, ապրիս, գլուխս շուկաց աղան և հարցրեց.

— Յեթե դու առաջին աշակերտն ես, ասա տեսնեմ՝ հաց ու պանիր կարգացել ես:

— Հաց ու պանիր ամեն որ ուտում եմ, դու մեծ մեծ բաներ ասա.

— Վոր եղագես ե, գնա գիրքդ բեր տեսնեմ:

— Միթե դու քերականություն ես սովորում,

ստուգիվ աչքերը չուց աղան և հարցասիրաբար նայեց
ուսուցչին:

— Այն, աղա, դրա փոքրությանը մի նայեք, Զամ-
չյան քերականության առաջին մասը վերջացրել ե
և ամենքից լավ սովորում ե, պնդեց վարժապետը:

Աբովյանը ընդամենը յերեք որ ե մնում Աշտարա-
կում, բայց չլսված և չտեսնված բարեփոխություն-
ներ ե մտցնում խալիֆայական դպրոցում։ Վերաց-
նում ե ծեծը, որվա շող ժամերին դադարեցնում ե
դասերը, դասամիջոցին և պարապմունքներից դուրս
աշակերտների հետ խաղեր ու զբոսանքներ ե կազմա-
կերպում, յերեկոյան պահին առաջնորդում ե գետը
լողանալու, ինքն ել լողալով նրանց հետ։ Այս բոլորը
արտասովոր բաներ եյին Շապուհ Շահնազարյանցի-
աշակերտների համար, բայց ամենից ավելի արտա-
կարգն ու զարմանալին աշակերտների նկատմամբ ու-
նեցած Աբովյանի սիրալիք և փաղաքուշ վերաբեր-
մունքն եր։ Փոքրիկ Հովհաննեսն ու իր ընկերներն
առաջին անգամ իրենց կյանքում հանդիպում եյին
մի մանկավարժի, վորը վոչ միայն չեր պատժում,
չեր հայնոյում, չեր սպառնում, այլև գուրգուրում եր,
փայփայում, սիրում հայրաբար։ Աբովյանի այցելու-
թյունը Աշտարակի դպրոցին, անջնջելի տպավորու-
թյուն ե թողել Պոռշյանի վրա։ Աբովյանի անձնավո-
րության նկատմամբ ունեցած հիացմունքի, դպրոցում
մտցրած նրա բարեփոխությունների, աշակերտների
հանդեպ ցուցաբերած փայփայանքի, մտերիմ և սի-
րալիք վերաբերմունքի մասին Պոռշյանը շատ անգամ
ե խոսել։ «Արձագանք»-ում տպված «Գյուղական վար-
ժապետները» խորագիրն ունեցող հիշողության մեջ

Արովյանին համեմատելով Աշտարակի կիսագրագետ տիրացու—վարժապետներին, նա վեր և հանում առաջինի մեծ արժանիքները և խաղաղանում ու ծաղրում և վերջիններին:

Արովյանի այցելությունից հետո Շավուհը գյուղում և դպրոցում իր «մանկավարժական» վարկը ընկած տեսնելով, հեռանում է Աշտարակից: Դպրոցը փակվում է: Ստեփանը 1849 թվին Հովհաննեսին հանձնում է Մողնու վանքի միտրան Մարտիրոս Մժեժյանցի նորաբաց վանական դպրոցը: Այստեղ ևս շուտով Հովհաննեսը դառնում է առաջին աշակերտը: Ստեփանը մեռնելիս Մժեժյանին և հանձնարարում տնօրինելու իր սիրելի վորդու բախտը: «Հայը սուրբ, իմ վորդուն քեզ եմ հանձնում, քեզ ել աստծուն, կուղիս մարդ շինի, կուղես՝ ջուրը դցիր» («Հուշիկներ»): Այստեղ նա սովորում է յերկու տարի: Հոր մահը Հովհաննեսին թողնում է բախտի քմահաճուլքին: Ավագ յեղբայրը հաղիվ հոգում եր ընտանիքի ծով կարիքը: Հոր թողած ժառանգությունը միայն 300 ռուբլի պարտքն էր: Հովհաննեսի ուսման հոգսը յեղբայրը հանձն առնել անկարող եր, իսկ նրա մեջ վառվում եր ուսման անհագ ծարավը, Այդ տենչը մղում է նրան իրագործելու մի խիզախ ծրագիր: 1851 թվի աշնանը իր ուսուցիչ Մժեժյանի առաջնորդությամբ մորից և ավագ յեղբորից ծածուկ, Պերճը փորձում է փախչել արտասահման՝ Պոլսում կամ Փարիզում կըթությունը շարունակելու մտադրությամբ: Սակայն իր անզգուշության հետևանքով փախուստի ծրագիրը բացվում է և խափանվում:

Ներսես հինգերորդ կաթողիկոսը (Աշտարակեցին)

կամենալով մանրամասն տեղեկանալ Մժեժյանցի փախուստի մասին, Եջմիածին և բերել տալիս Հովհաննեսին։ Աչքաբաց պատանին գրավում ե կաթողիկոսի ուշադրությունը։ Հետագայում նրանից լավ հոգեռական պատրաստելու ակնկալությամբ, կաթողիկոսը վորդեգրում ե ընդունակ և ուսումնածարավ Պոռշյանին և նույն ձմեռը, 1853 թվի հունվարին ուղարկում ե Թրիլիսիի Ներսիսյան դպրոցը։ Պոռշյանը չտեսնված առաջադիմություն ե ջանասիրություն ե ցուցաբերում։ Կարճ ժամանակից նա գառնում ե բոլորի ուշադրության առարկան։ Մի տարում մեջ ե տալիս յերկու նախապատրաստական դասարանները և անցնում առաջին դասարանը, իսկ վեց ամիս հետո փոխադրվում ե յերկրորդը։ Պոռշյանի Ներսիսյան դրաբոցում յեղած տարիները այդ դպրոցի համար բարեփոխությունների և այդ առթիվ ծագած պայքարի տարիներ ելին։ Դա իր ժամանակում նշանավոր մանկավարժ Պետրոս Շանշյանի տեսչության շրջանն եր։ Դպրոցում մտցրած նրա կարգերը մեծ դժգոհություն առաջացրին պահպանողական հոգաբարձուների և ուսուցիչների մեջ։ Այդ դժգոհությունները խորացան և վերածվեցին լուրջ պայքարի՝ ընդեմ Շանշյանի և նրա մանկավարժական մեթոդների։ Պայքարի մեջ ընդգրրկվեցին նաև դպրոցի բարձր դասարանների աշակերտները։ Պոռշյանը նույնպես շանշյանական եր։ 1855 թվի մայիսին փայլուն կերպով տալով ավարտական քննությունները, նա վերջացնում ե դպրոցը յերբորդ դասարանից, ստանալով վորպես առաջին կարգի մըրցանակ՝ «Ճառք կիկերոնի յաղագս պատշաճից» գիրքը հետևյալ մակադրությամբ՝ «Մըրցանակ առաջին կարգի

վասն գերազանց ջանասիրության, հառաջադիմության
և պարկեշտ վարուց»:

Յերկար ժամանակ դպրոցի վարչությունն ավար-
տող աշակերտներին բաց չի թողնում այն հուսով,
վոր առաջիկա սեպտեմբերին կրացվի հետեւյալ չոր-
րորդ դասարանը։ Նոր դասարան չի բացվում և Պոռշ-
յանը 1856 թվի հունվարին վերջնականապես թողնում
է դպրոցը։

Դպրոցն ավարտելուց հետո Պոռշյանի համար սկս-
վում են ծանր որեր։ Ներսիսյան դպրոցի նպատակն
եր աչքի ընկնող, առաջադեմ աշակերտներից պատ-
րաստել ինկեղեցու սպասավորներ։ Պոռշյանը, վոր,
Աղայանի վկայությամբ, չուներ իր նմանը դպրոցում,
վորին բոլորը մատով եյին ցույց տալիս, հրաժարվում
ե կրոնավոր դառնալուց. պարզ ե, վոր Ներսես Աշտա-
րակեցին դրանից հետո հաշու աչքով չեր կարող նաև
հանդուգն սանին։ Այդ անցքը Պոռշյանը հետեւյալ
կերպ ե նկարագրում։

«Հերթը հասավ ինձ, իս տեղիցս չշարժվեցի։

—Ի՞նչ ես կանգնել, մնա արի, գոչեց կաթողիկոսը
—Վհչ, իս ուրար չեմ ուզում, յես քահանա դառ-

նալուցանկություն չունիմ, ասացի ու կանգնած մնացի։
—Վնաս չունի, չես կամենում, չենք տալ, զոռով

արջին կամ լծել չի լինի, ասաց ծիծաղելով կաթողի-
կոսն ու հետեւյալին կանչեց։

Վոչ վոք վոչինչ չնկատեց, իսկ յես հասկացա, վոր
կաթողիկոսն ինձանից սրտամնա յեղավ, թեև վոչինչ
չցույց տվեց. իս սխալված չեյի»։

Ներսես Աշտարակեցին դալրացած այն բանից, վոր
Պոռշյանը չկամեցավ «ուրար» հադնել, հոգեորական

դառնալ, չուղեց այնուհետև ճանաչել իր նախկին վորդեգրին, Պոռշյանը մնաց վորք ու անխնամ, անապաստան, Մերթ այս, մերթ այն ծանոթի տանը մի կերպ գլուխ պահելով, նա յերկար ժամանակ մի կերպ քարշ եր գալիս: Սակայն վոչ մի խնդիր ու միջամտություն չմեղմեց կաթողիկոսի բարկությունը: Կամակոր հոգևորականը չցանկացավ այնուհետև Պոռշյանին նյութապես ողնել, ուստի վերջինս Թրիլիսիի գիմնազիայում կրթությունը շարունակելու հնարավորություն չունեցավ: Նա միայն յերեք ամիս հաճախեց գիմնազիա, վորպես ազատ ունկնդիր, վորից հետո, ստիպված յեղավ թողնել ուսումը:

«Հուշիկներ»-ում նա այսպես ե նկարագրում իր վիճակը: «Յեվ այսպիս, յերեք ամիս ե, վոր յես գիմնազիայի ունկնդիր եմ, փող չունեմ, միջոց չունեմ, դասական պիտույքի անհրաժեշտություն կա, ներսես կաթողիկոսը բարկացած ե, չի տալիս, թուչ անեմ: Մոլորկել պաշարվել եմ, գործ չի առաջ գնում, յեթե այսպես շարունակվի, յերբեք չեմ կարող քննություն տալ»: Թրիլիսիում կրթությունը շարունակելու հույսը կորցրած, հաշտվելով թերուս մնալու մտքի հետ, Պոռշյանը վորոշում ե մտնել աշխատանքի: Շանշյանի խորհուրդով նա ընտրում ե մանկավարժական ասպարեզը: Այս բնագավառում Պոռշյանը յերկարամյա և արդյունավոր աշխատող ե յեղել: Նա առաջադիմական, վերանորոգչական ահագին գործ ե կատարել հայկական գպրոցի պատմության մեջ, լինելով խալիքական դպրոցի գեմ առաջին պայքարողներից մեկը: Անուրանալի յե հատկապես այն խոշոր դերը, վոր կատարել ե Պոռշյանը վորպես աղջկանց գպրոց-

ների առաջին հիմնող ամբողջ կովկասում։ Վորպիս
վերանորոգիչ մոտ 45 տարի տեղող իր մանկավար-
ժական աշխատանքների ընթացքում նա հարյուրավոր
դժվարությունների յե հանդիպել, հալածվել և հայ
կղերից և կղերամիտներից, լիբերալ մամուլի խմբա-
գիրներից ու գրչակներից, սակայն միշտ հավատարիմ
և մնացել ժողովրդական լուսավորության գործին։ Նրա
բազմաթիվ ձեռնարկությունները խափանվել են, բայց
կամքի արտակարգ ուժով և գործունեյության բացա-
ռիկ յեռանգով զինված, նա յերբեք չի ընկճվել։ Հա-
լածվելով մի վայրից, անցել ե մի այլ վայր, ամեն
տեղ իր հետ տանելով նոր և թարմ մտքեր, ամենու-
րեք ծավալելով յեռանդ ու գործունեյություն։


1856 թվի ամառը Պոռշյանը վերադառնում ե Աշ-
տարակ, ուր խորը կարիքի մեջ ապրում եյին նրա
մայրը, յեղբայրը և յերկու քույրը։ Նրանց վրա ծան-
րացել եր դերձակ Ստեփանի թողած պարտքը, վոր
միայն տոկոսն ելին վճարել, վաճառելով պարտեզն ու
մարագը։ Մի փոքրիկ այգու բերքով չորս հոգի հաղիվ
եյին ապրում։ և ահա 19-ամյա Պերճը հայրենի գյու-
ղում առաջին անգամ վոտք ե գնում ուսուցչական
ասպարեզ, վորպեսզի թեթեացնի ընտանիքի նյու-
թական ծանր վիճակը։

Այդ ժամանակ Աշտարակում գործում եր տիրացու-
չովհաննեսի դպրոցը։ Դա մի խալիֆայական դպրոց
եր, Սկզբում Պոռշյանն ընկերանում ե նրան, վորպես
ուսաց լեզվի դասատու, բայց տիրացուն տեսնելով
ընկերակցի մտավոր գերազանցությունը, չկամենա-
լով «գիտնական» Պոռշյանի հետ աշխատել, թողնում
ե դպրոցը։ Պոռշյանը փորձում ե բարեկարգել դպրո-

ցը: Նա վերացնում է ծեծը, դաստիաճպման նոր ձևեր
և մտցնում: Կարճում է ամբողջ որը տևող պարապ-
մունքի ժամերը, ստեղծում է հոգաբարձություն և
ալլն: Սակայն շուտով ծնողների մեջ դժգոհություն
և առաջացնում հատկապես ծեծի և պատիժների բա-
յսկայությունը: «Գիտես ինչ կա, վարժապետ, վճռա-
պես ասաց Շամոն (գլուխի հոգաբարձուն), յեթե դու
մեր յերեխաներին չծեծես, մենք քեզ վորդի չենք թո-
ղուլ, Հովհաննես վարժապետն ենտեղ պատրաստ ե»:
((Հուշիկներ»): Այս խոսքերից Պոռշյանն արտասվում
է: «Յնը կուսից մեկը, կամ պետք ե հացից զրկվեցի,
կամ գաղափարից, Խոստովանում եմ, վերջինը զոհեցի:
առաջինին, թեպետ և շատ իդուր: Յերեք տարվա ամ-
բողջ աշխատությանն վարձը հարյուր մանեթի հազիկ
հասավ,—ասում ե Պոռշյանը իր ձեռագիր «Ենքնա-
կենսազրության» մեջ*): Բարոյական և նյութական
խիստ ծանր հարվածներ կրեց Պոռշյանն այստեղ: Դը-
ղոն իր հայրենակիցներից, խոռված հոգով, յերկո-
տարի Աշտարակում պաշտոնավարելուց հետո գրպա-
նում միայն ութ ոռւբլի, նա թողնում և մեկնում ե
թրիխիսի: Այստեղ նա ծանր, սովատանջ որեր ե անց-
կացնում, ապրելով որական հինգ կոպեկով: Հինգ կո-
պեկի հացը չորս մասի յեր բաժանում և որը չորս
անգամ մեկական կտոր ուտում, վրայից ել մի բա-
ժակ ջուր եր խմում և ալսպես անցկացնում որերը:
Հյուծված կիսասով կյանքից, նա ծանր հիվանդանում
է: Վերջապես նա հայոց լեզվի ուսուցչի և վերակա-
կացուի պաշտօն և ստանում Նիկողայոս Տեր-Հակոբ-
յանցի նորաբաց մասնավոր դպրոցում. կարճ ժամա-

*) Զեռագիրը գտնվում է Շատական Քրական մանդաբանում:

Նակից հետո՝ նաև սուսաց լեզվի դասեր Ներսիսյան
գլուխոցի նախապատրաստական դասարանում։ Այսպի-
սով Պռոշյանի տնտեսական զբությունը մի փոքր բա-
րելավվում է։



Հին Աշտարակը:

1859 թվի ապրիլի 18-ին, «Մեղու Հայաստանի»
լույս և տեսնում նրա անդրանիկ գրական
վաստակը՝ «Առ անձկալին Շուշան դուստր Վարդանա»
աշխարհաբար բանաստեղծությունը, գրված բանաս-
տեղծ գրամատուրգ Հակոբ Կաբենյանի «Ծառուկ» բա-
նաստեղծության աղջեցությամբ։ «Հուշիկներից» տե-
ղեկանում ենք, վոր Պռոշյանը աշխարհաբար լեզվով
վոտանավոր և շարադրություններ գրելու փոքը և կա-
տարել շատ վաղ, գեռես Ներսիսյան դպրոցում աշա-
կետ յեղած տարիներին։ «Զգիտեմ ինչպես յեղավ, գը-
րում և Պռոշյանը, վորտեղից մտքումո ծագեց, մի

անդամ և այն բոլորիս համար առաջին անգամը, յես
մեր տեղական բարբառով մի վոտանավոր գրեցի Աշ-
տարակից Թիֆլիս իմ ճանապարհորդությունս։ Վո-
տանավորն ընկերների կողմից ծաղրի է յենթարկ-
վում աշխարհաբար լինելու պատճառով, սակայն հա-
յոց լեզվի ուսուցիչ Հակոբ Կարենյանցը հավանու-
թյուն ե տալիս, ասելով, վոր Պոռշյանը ձիշտ ե հաս-
կացել ժամանակի պահանջը և վոգին։ «Այդ որվանից
հետո,—ավելացնում ե հեղինակը,—իմ շաբաթական
գրած յերկու շարադրություններից մինը գրաբար,
մին աշխարհաբար եր»։

Պոռշյանին գրողի հոչակ տվեց 1860 թվին լույս տե-
սած «Սոս և Վարդիթեր վեպը»։ Այդ նշանավոր գործի
հղացումը կապված է Պոռշյանի ստեղծագործության
համար մի նշանակալից դեպքի հետ։ 1858 թվի ո-
գոստոսին, այսինքն այն ժամանակ, յերբ նա Թրի-
լիսիում շրջում եր անգործ նյութական ամենածանր
պայմաններում, մի յերեկո անձրեից հալածված, թըրջ-
ված մինչև վոսկորները, իրեն մի կերպ ձգում ե հա-
մագյուղացի, գիմնազիայի վերակացու և ուսուցիչ Հով-
հաննես Տեր-Հովսեփյանցի տունը։ Տան տերը վոտից
գլուխ հանդերձափոխում ե նրան, տանում ե իր սեն-
յակը և թեյի հետ մի նոր, Պոռշյանի համար անձա-
նոթ հայերեն գիրք գնելով սեղանին, ինքը յերկու
ժամով գնում ե մյուս սենյակը, իր գիշերոթիկ աշա-
կերաների հետ պարապելու։ Արովյանի «Վերք Հայաս-
տանի» վեպն եր դա, մի չտեսնված յերևույթ այն
ժամանակվա համար։ Գրքի վերնագիրը և հեղինակի
անունը վառում են Պոռշյանի հետաքրքրությունը։
Կանված ընթերցանությամբ նա չի նկատում թե

ինչպես են անցնում ժամերը... Սթափվում ե այն ժամանակ, յերբ գիրքը վերջանում ե: «Դժվար է ինձ պատմել այն տպավորությունը, — գրում ե Պոռշյանը «Հուշիկներ»-ում, — և այն հեղհեղուկ զգացմունքները, վոր անդադար ներսումս միմյանց հետեւմ եյին. մի բոլե արտասուք տրտմաթախիծ, մյուս վայրկյանին՝ ուրախության արտասուք, յերբորդ ակնթարթին՝ նըստած տեղիցս անհեթեթ վոստվոստումներ: Յես ի՞նչ գիտեմ, ինչեր չելին պատահում ինձ. լավ եր տանտերս գնացել եր և մոտս վոչ վոք չկար, ապա թե վոչ, արժեր կապկապել և հիմարանոց տանել»: Հենց այստեղ Պոռշյանն ուխտում ե «աշակերտել» Արովյանին, անմահացնել Աշտարակի անունը: «Ահա իմ ձեռքը, դիմում ե Պոռշյանը Տեր-Հովսեփյանին, յերբ նա ներա ե մտնում, յես Արովյանին աշակերտելու յեմ»: Նույն զիշեր ընթրիքից հետո նա յերկրորդ անգամ ծայրե ի ծայր կարդում ե «Վերք Հայստանի»-ն: «Աքաղաղը հինգ բերան կանչել եր, վոր յես տեղս մտա, քնիս մեջ շարունակ Աշտարակուն եյի ման դալիս»...

Նյութապես փոքր ապահովվելուց հետո Պոռշյանը ձեռնարկում ե իր վորոշման իրազործմանը: «Ծունկս սեղան ելի շինել ու գրում եյի, «Սոս և Վարդիթերն» եյի գրում: «Առաջին զիշերը «Սոս և Վարդիթերիս» առաջին գլուխը կտրեցի»: Վեպի առաջին գլուխը ավարտելուց հետո ներկայացնում ե Հակոբ Կարենյանցին. վերջինս մեծ ուշադրությամբ կարդում ե խորհուրդ ե տալիս անողայման շարունակել: «Արովյանը փակ լեզուդ բաց արավ, ասում ե նա, շարունակիր, չթողնես: Նա իր Քանաքեռն անմահացրեց, դու ելքո Աշտարակն անմահացը» («Հուշիկներ»): Պոռշ-

յանը նոր դարկ ստացած այս խրախուսանքից, շաբունակում և և 1859 թվի վերջերում ավարտում վեպը:

Դեռևս 1856 թվին, Թբիլսիի գիմնազիայի հայ աշակերտներից և Ներսիսյան դպրոցի նորավարտներից մի քանիսը կազմել ելին գրական շրջան «Սիրագումար ժողով» անունով։ Խմբակին մասնակցում եր նաև Պոռշյանը։ Հավաքույթները տևղի ելին ունենում շարաթը մի անգամ։ «Սիրագումար ժողովը» իր գոյությունը շարունակում եր նաև 1859-60 թվերին։ Խմբակի ղեկավար Յերիցյանի պահանջով Պոռշյանը հավաքույթներից մեկում ընթերցում և «Սոս և Վարդիթեր»-ը, որանով ել վորոշվում և գրքի բախտը և Պոռշյանի ապագան։ Յերիցյանը, հիացած գրքի տպավորությունից, հաջորդ որը Պոռշյանին ներկայացնում և «Կռունկ» ամսագրի ապագա հրատարակիչներին։ Նրանք ևս ցնծությամբ են ընդունում «Սոս և Վարդիթեր»-ը։ «Կռունկի» խմբագրի՝ Աղաբեկյանի առաջարկությամբ, վիպասանը թողնում և դասերը և դառնում և ամսագրի խմբագրության անդամ—աշխատակից։ 1860 թ. հունվարին լույս տեսավ «Կռունկ»-ի առաջին համարը, վորտեղ սկսվեց տպագրվել «Սոս և Վարդիթերը»։ Վեպը նույն թվին հրատարակվեց նաև առանձին գրքով։

«Սոս և Վարդիթեր»-ը հոչակեց հեղինակի անունը, աական նյութապես չապահովեց նրան։ Առանձին գըլքով լույս տեսած վեց հարյուր որինակից հարյուր հիսուն որինակ ուղարկվեց բաժանորդներին, մնացածը հեղինակի համար բեռ դարձավ և նա ստիպված յեղավ հաստատություններին ու բարեկամներին նվիրելով ու ձիքը թափ տալ։ «Յերեակայական ցնորքներիս և ինք-

նասիրությանս տեղիք տվեց տխուր իրականությունը. անընթե բցասիրությունը մերայնոց մեջ շոշափելի կերպով կենդանացավ առաջիս և յես կիսահուսահատ սրտակոտոր թողի իմ խմբագրությունը» («Ինքնակենապրություն»):

Ստեղծագործական վոգեորությանը հաջորդում ե առաջին հուսախաբությունը: Այն շրջանում Պոոշանի գրքի իսկական գնահատողները — զյուղի և քաղաքի աշխատավորները — գեռես անդրագետ եցին: Նրանց չեր կարող հասնել Պռոշյանի լերկը, իսկ իշխող կղերա — պահպանողական հոսանքի ներկայացուցիչները ամեն ջանք դործ դրին սպանելու «Պռոշյանի» գեռես նոր ծաղկող գրական տաղանդը:

Կղերապահնողական հոսանքի որդան «Մեղուն» առաջինը վայնասուն բարձրացրեց «Սոս և Վարդիթեր»-ի գեմ: Վեպում նկարագրված Վարդիթերի և Անուշի լեկեղեցում տեղի ունեցած խոսակցությունը սիրո շուրջը «Մեղուն» համարում ե սրբապղծություն և միանգամայն անվայել հայ նահապետական գեղւկուհիներին:

Նալբանդյանի վկայությամբ, «Սոս և Վարդիթեր»-ը ժամանակին տեղիք ե տվել բազմաթիվ աննպաստ խոսակցությունների՝ ինտելիգենցիայի ոլահպահնողական շրջաններում:

Յերբ «Սոս և Վարդիթեր» վեպով հրապարակ յեկավ Պռոշյանը, ասպարեզի վրա կար միայն մի վեպ — դա Աբովյանի «Վերք Հայաստանի»-ն եր: Ժողովրդի կյանքից և ժողովրդի լեզվով գրած միակ վեպն երալու, վոր դարագլուխ կազմեց մեր գրականության մեջ: «Վերք Հայաստանի» վեպի առաջաբանում ուժեղ կեր-

պով քննադատվում եր մեր հին գրականության կրո-
նական—սխոլաստիկ ուղղությունը։ Այնտեղ շեշտա-
կի կերպով գրված եր այն ժամանակի համար հրա-
մայական մի խնդիր։ դա գրականությամբ ժողովը
դին ծառայելու պահանջն եր, ժողովրդի մասին և ժո-
ղովրդի համար գրելու անհրաժեշտությունը։ Զնայած
այս պահանջը առաջին անգամ գիտակցություն դա-
ռնավ Արովյանի մոտ, սակայն նրա խսկական իրազոր-
ծողը հանդիսացավ Պոռշյանը, վորի մոտ այն առա-
ջանում ե միանգամայն անկախ և ինքնուրույնաբար։
Կարդալով «Վերք Հայաստանի»-ն, Պոռշյանն ասում
է. «Յեկ ընչի զուրկ պահել մեր ժողովրդին ընթեր-
ցասիրությունից, մինչև լերը մեր գրականությու-
նը գրագետ գասակարգի սեփականություն մնա»։
Գրականությամբ ժողովրդին ծառայելու ցանկությունն
և մզում տվել Պոռշյանի ստեղծագործությանը և այս
բանում անշուշտ վորոշ դեր ե կատարել Արովյանի
վեպը։

Մինչև Արովյանի վեպին ծանոթանալը, Պոռշյանը
բեռնավորված եր ժողովրդական կյանքի ու սովորու-
թյունների վերաբերյալ չափազանց հարուստ տեղե-
կություններով։ 1856-58 թվերին, յերբ Պոռշյանն ու-
սուցիչ եր հայրենի գյուղում և Մողնու վանքի գոր-
ծակալի քարտուղար, նա խորացրեց և ընդարձակեց ժո-
ղովրդական կյանքի մասին իր մանկության տարինե-
րի բազմազան տպավորությունները նոր ու հասուն
տպավորություններով։ Կյանքը ևս հարստացել եր նո-
րանոր յերեսույթներով։ Այդ հարուստ նյութը ոգտա-
գործելու առիթ եր պետք։ Արովյանի վեպն, այսպի-


սուլ, յելք տվեց միայն Պռոշյանի մեջ կուտակված պուտենցիալ հնարավորություններին:

«Սոս և Վարդիթեր» վեպի համառոտ բովանդակությունն այս եւ աշատարակցի յերկու յերիտասարդ, Սոսը և Վարդիթերը, ամենաանկեղծ, նվիրական սիրով սիրում են միմյանց: Աղջկա ծնողներն սկզբում դեմ են լինում այդ սիրուն, սակայն Վարդիթերի անգրանիկ յեղբոր՝ Երշավիրի և Սոսի մտերիմ ընկերոջ՝ Գարեգնի ազդեցությամբ Վարդիթերի ծնողներն իրենց վերաբերմունքը փոխում են: Յերբ արդեն թըվում եր, թե բոլոր խոչընդոտները հաղթահարված են և սիրահարները պիտի հասնեն իրենց փափագին, Սոսսի փեսան՝ Տիրանը 15 ռուբլու համար քանդում և արդեն գլուխ յեկած գործը: Արշավիրը ևս, վոր մի ժամանակ ձգտում եր հաջողացնել Սոսի և Վարդիթերի ամուսնությունը, նպաստում ե գործի խափանվելուն: Սիրահարները անկարող են լինում տանել այս ժանը հարվածը: Իրար հասնելու հույսը կորցրած, նըրանք մեռնում են ամենավողբերդական մահով. Սոսը խելագարվում ե, սարերն ընկնում, Վարդիթերը հիվանդանում ե, մեռնում. լսելով Վարդիթերի մահվան բոթը Սոսը ևս մեռնում ե:

Վեպի Փարուլան, ինչպես տեսնում ենք, նայիվ եռ սովորական: Հասկանալի յե, Սոս և Վարդիթերի սիրո ռոմանոտիկ պատմությունը չե, վոր արժեքավոր և դարձնում այս յերկը:

«Սոս և Վարդիթեր»-ը մի վեպ ե, վոր գրված և 22 տարեկան անփորձ պատանու ձեռքով և այն ել այնպիսի շըջանում, յերբ գրականության մեջ և մտքերի վրա իշխում ել կեղծ դաստկան ուղղությունը, յերբ ժողովրդական կյանքը իրական գույներով և գծերով

վերաբաղրելու փորձեր համարյա չկալին Անխուս-
ափելիորեն այդ վեպը պիտի ունենար խոշոր թե-
րություններ։ Յեվ իրոք, այնտեղ կան հեղինակի էե-
քեակայությամբ ստեղծված բազմաթիվ անբնական
ու հնարովի գրություններ, տեսարաններ ու պատ-
կերներ. սակայն անբնականն ու հնարովին կորչում,



Այն տունը, վորտեղ ծնվել և Պառշյանի վեպի՝ Հերոսը՝ Սոսը՝
են վեպում պատկերած իրական կյանքի հարուստ և
բազմաբովանդակ նկարագրությունների մեջ։ Դրա-
նում լերեռում և Պոռշյանի դիտելու և վերաբաղրե-
լու ահազին կարողությունը։ «Սոս և Վարդիթեր»-ի
արժեքը կայանում և գլուղական կյանքի և յերեռյթ-
ների բազմակողմանի և ռեալ նկարագրության մեջ։
Ընթերցողի առաջ պատկերանում և 40-ական թվա-
կանների գյուղն իր առորդայով, իր ուրախություն-

Ներով և դառնություններով, դարերով սրբագործված ավանդական սովորություններով:

Պոռշյանի «Սոս և Վարդիթեր»-ը աշխարհիկ գրականության յերկրորդ հիմնաքարը հանդիսացավ: Մեծ դեմոկրատ և հեղափոխական Միքայել Նալբանդյանը «Սոս և Վարդիթեր»-ի առաջին ճիշտ գնահատողն ե հանդիսացել, Նալբանդյանը նախ և առաջ վեր և հանել պատմական այն խոշոր դերը, վոր խաղաց «Սոս և Վարդիթեր»-ը, Արովյանի «Վերք Հայաստանի»-ի հետ, հիմք դնելով մեր նորագույն գրականությանը:

Նալբանդյանը ցույց է տվել, վոր Պոռշյանը գրական ասպարեզ և մտել կյանքի ռեալ ձանաչողության հոկայական պաշարով. նա ռեալիզմի մեջ և տեսել Պոռշյանի վեպի արժեքն ու ուժը, հիմնական թերություն համարելով հեղինակի յերևակալությամբ ստեղծված անճշտությունները, շեղումները բնականի և իրականի սահմանից: «Սոս և Վարդիթեր»-ի մեջ Նալբանդյանը տեսել և սոցիալական վեպի այն սաղմերը, վորոնցից պիտի զարգանային «Հացի խնդիր»-ը, «Ճեցեր»-ը «Բղդեն», «Հունոն»—Պոռշյանի ամենաարժեքավոր վեպերը:

«Սոս և Վարդիթեր» վեպում առանձին ուշադրության և արժանի չքավոր գյուղացի Վայկունը: Նա դատապարտում է քեթխուղանների շահասիրությունը, դժգոհում իր վրա գրած հարկերի ծանրություններից, բողոքում նրանց անաղնիվ արարքի դեմ:

«Ես ի՞նչ ա, հիմի խարջ են կիտում, յես մի խեղճ մարդ եմ, նրանք ինչ վոր ինձ կըհասներ խարջը տալու, երկու ենքան են առել, սաքի ասում են, վոր գեղի միջին տարեկան մասրափ (ծախք) ա ելել փչացել

ա, պիտի լրացնենք, համա վորտեղ, քոմմա իրանք են ուստում, քլասիք քյուսուբի տունը քանդում, իրանցը շինում. յես գրողամնա մի հիքի ունիմ, ինձ տարել են զոռով կապել իրենք հիքիատիրոջ հետ, թե արի խարջ տուբ. ել չեն ասում թե, աչառը գոմշի հետ կարա լուծն անի՞», Արշամը դատապարտելով Վայ-կունու ընդդիմախոսներին՝ Սոսին և Պարետին հաստատում են նրա խոսքերի ճշմարտությունը, իր կողմից ավելացնելով նոր վաստեր «Վայկուն ափոր խոսքերն ավետարանի կողքին գրված են,—ասում են Արշամը, —սաքի ինչի՞ եք երկու յերեսանություն անում, կողմապահ ըլում. հիմի ես նո մեր պապական հիքին ա, ուղենան կխլեն կտան ուրիշիւ Քանի՞ քանի՞ որինակներ կան, վոր ընչանք քեզնից մի ոգուտ չեն ունեցել, բանըդ չեն շինել»

Վայկունը և Արշամը պարզ գիտակցում են, վոր գլուղի ապագա ցեցերը՝ քեթխուդեքը ծառայում են վոչ թե համայնքին, այլ իրենց սեփական շահերին: Հենց դրա գեմ ել նրանք ուղղում են իրենց բողոքը.

Նալբանդյանը վերոհիշյալ փաստին վերաբերվել եմեծ ուշադրությամբ, հանձին Վայկունի և Արշամի նատեսել ե սոցիալական բողոքի առաջին ներկայացուցիչներին, վորոնց կարիքը այնպես խիստ եր զգացվում այն ժամանակվա մեր մուալլ ու անշարժ իրականության մեջ: Մեծ հրապարակախոսը խորը հրճ-վանք ե արտահայտել Արշամի նկատմամբ, տեսնելով նրա մեջ նոր ժամանակի մարդուն:

Ուշագրավ ե նաև Տիրանը, Նա Սաքոյի, Բղդեյի և Բալասան աղալի նախատիպն ե: Գյուղի սոցիալական գարգացման հաջորդ շրջանում տասնհինգ ոռւբլով

«Հոգին ծախող» այդ մանր շահամոլից անխռուսափեռ-
լիորեն պիտի զարդանային գյուղական ժողովրդի ար-
ևախռում տղրուկիները:

* * *

Պոռշանը առ ժամանակ թողնում եւ զրականու-
թյունը և կրկին վերադառնում մանկավարժության
քնազավառը. այս անգամ նա փորձում եւ իրավործել
մի ուրիշ դժվարին ձեռնարկություն—հիմնել աղջկանց
դպրոց: «Այն ժամանակ թիֆլիսում հայ աղջկանց
դպրոցի գոյությունն ամենքին ծաղրելի յեր թվում...
Հրեշտավոր բան եր թվում ավելի զարդացած ոտար-
ազգիներին, թող թե հալերին՝ աղջկանց ուսումը»:

Առանց յերկյուղ կրելու գործի դժվարությունից,
առանց հարկավոր օժանդակության ակնկալության,
Պոռշանն իրեն հատուկ վճռականությամբ սկսում ե
իրավործել իր վաղուցվա մտադրությունը: Դասերը
սկսում ե, ունենալով միայն յերկու աշակերտունի:
Կարճ ժամանակից հետո աշակերտունիների թիվը հաս-
նում է յերեսունի: Գտնվում են նախանձախնդիր մար-
դիկ, վորոնք հանձն են առնում դպրոցի հոգաբար-
ձությունը և նյութական ապահովությունը: Եեվ այս-
պես, հիմնվում ե Գալանչան աղջկանց դպրոցը, վոր
առաջինն եր Թբիլիսիում և ամբողջ Կովկասում: Պոռշ-
յանի հաջող փորձից հետո, քաղաքի զանազան թա-
ղերում բացվում են նույնանման դպրոցներ:

Զափազանց խոշոր գեր ե կատարել Պոռշանը նաև
թատրոնի ասպարիզում: Մանկավարժական աշխա-
տանքներին զուգընթաց նա ձեռնարկում ե Թբիլի-

սիում մշտական հայկական թատրոն ստեղծելու գործը և այս բանում մեծ ջանաւիրություն ու կամք է ցուցաբերում։ Մի խումբ թատերասեր էերիտասարդ նիրի գլուխ անցած, ծեծում և Թբիլիսիի այն ժամանակվա բոլոր ազգեցիկ մարդկանց գոները, վորոնք կարող եյին շատ թե քիչ ոգտակար լինել այդ գործում։ Հաշտեցնում ե գժտված, այն ժամանակվա լեզու նշանավոր հայ դրամատուրգներին, Հակոբ Կարենյանին և Միքայել Պատկանյանին։ Հակառակ վերջիններիս դիմադրություններին, Պոռշյանը 1863 թվի հունվարին գլուխ ե բերում առաջին ներկայացումը, վորը չտեսնված հաջողություն ե ունենում։ Բեմադրովում ե Պոռշյանի ձեռքով արարացյան բարբառի վերածած և. Գալֆայանի «Արշակ Բ.» գողրերգությունը։ «Հայոց թատրոնի սկզբնավորությունը Թիֆլիսում» հոդվածում Պոռշյանը գրում ե. «Այն ինչ խառն բազմություն եր, առտված իմ, վոր միմյանց գլխի ձկան ծվարի նման ճիվլել եյին, հնարավորություն չկարտում ստանալու, իրար գլուխ են ջարդում, իրար ուսի հն բարձրանում։ Արիստոկրատ, վաճառական, արհեստավոր, կինտո, դատարկաշրջիկ, արկածախնդիր՝ ամենքան լուսամուտի առաջ բռնած տոմսակ են աղաղակում, թղթադրամները ողի մեջ ծածանում են» («Թատրոն», 1893 թ. №-1)։ Ներկայացումը կրկնվում ե հասարակության՝ գլխավորապես համքարության պահանջով, Թբիլիսիի համքյարը, լերիտասարդ թատերասերներին ձեռքերի վրա տանում ե ուստարաշի Զառափ Գիքոյի տունը, վարտեղ նրանց համար խնջույք եր պատրաստված։ Այս բանն ավելի ևս խրախուսում ե յերիտասարդ թատերասերներին։ Ստեղծ-

վում և թատրոնական հոգաբարձություն։ Գործը կարգի յե ընկնում։

Միայն զարմանալ կարելի յե Պոռշյանի համարձակության և ինքնավստահության վրա։ Այն ժամանակվա դժվարին պալմաններում, յերբ գործունքա մարդու ամեն քայլափոխը տասնյակ խոչընդոտի յեր հանդիպում, յերբ անուն և ուժ ունեցող մարդիկ հեռու եյին փախչում գործից, վախենալով դժվարություններից, գեռես անհայտ ու անանուն յերիտասարդը կարողանում է այդքան գործ հաջողացնել և այն ել նյութական մեծ զրկանքների մեջ, կյանքի ամենաաննպաստ պայմաններում։ «Յեթե ընթերցողը կմտածի գտնել սենյակումս շենք ու շնորքին կահկարասիք, շատ կսխալիի. թե իմ տունը, թե տատրակի բունը մեկ եր»։ «Վառելիքի սղությունից տունս տաքանում եր յեկող հյուրերի շնչով», իսկ հյուրեր չեղած ժամանակ «զրիչը մատներիս մեջ հարմար բըռնելու համար վառարանի տեղ ծառայում եր ծոց»։

Պոռշյանի ջանքերով թբիլիսիում հայ ժողովրդական թատրոն ստեղծելու գործը հաստատուն նունի մեջ մտնելուց հետո, ասպարեզ յեկան նոր և կարող ուժեր հանձին Գ. Զմշկանի և ուրիշների։ Պոռշյանն այս ասպարեզում իր անելիքն ավարտել եր։

Պոռշյանի հանդուգն բնավորության լավագույններագիրը տվել է Դ. Սղայանը, վոր նրան գիտեր ավելի լավ, քան մեկ ուրիշը։ Նա գրում է. «Այդ ժամանակ Պոռշյանը թեև դպրոցից նոր եր դուրս յեկել բայց դպրոցականի քաշվող և ամոթխած բնավորություն չուներ, այլ չափից դուրս յերեսբաց և համարձակ եր։ Նոր սերունդը կյանքի նորոգություն եր պա-

հանջում։ Նորոգության առաջյալ լինելու համար ամոթխածությունը ձեռնտու հատկություն չեր, պետք եր քաջություն, վստահություն, համարձակություն և մինչև անդամ հանդինություն և ստահակություն։ Պողյանցն այս բոլոր զենքերով զրահավորված եր հնության դեմ պատերազմ մղելու համար»։ Իրոք վոր Պողյանցը նովատոր եր, նովատորին հատուկ խիզախ բնափորությամբ։

1863 թվին Պետրոս Շանչյանը հրավիրվում է Շուշվա հոգեոր գպրոցի տեսուչ, վորն իր հերթին հրավիրում և Պողյանին՝ նույն գպրոցի լեզվի դասատու և տեսչի ոգնական։ Տեսնելով Գայանյան գպրոցը հաստատուն հիմքի վրա գրած, գործի շարունակությունը թողնելով լնկերներին, նա մեկնում է Շուշի այն գիտակցությամբ, թե գավառում գործիչների ավելի մեծ կարիք կա, քան թրիլիսիում։ Իր առաջին փորձից խրախուսված, այստեղ ևս Պողյանը հիմնում է աղջկանց գպրոց—«Շուշվա Մարիամյան աղջկանց ուսումնարանը»։ Այս տարիները Շուշվա կյանքում անհախընթաց տարիներ եյին, Սակայն, ինչպես ներսիսյան գպրոցում, այնպես և այստեղ, Շանշյանի ու նրա համախոհների մանկավարժական առաջադիմության—վերանորոգչական գործունեյության դեմ խավարամիտներն սկսում են իրենց դավադիր գործունեյությունը, Վերջիններին ոգնության և գալիս Եղմիածնի հոգեոր իշխանությունը։ Շանշյանի և նրա գործակիցների բանավոր և գրավոր դիմումները կաթողիկոսին, անհետեվանք են անցնում։ Շանշյանականների գործը պարտվում են։

1865 թվին Թրիլիսիում յերկարատև և ծանր հի-

վանդությունից Պոռշյանը փրկվում է, վորից հետո
առողջությունը վերականգնելու համար, բժիշկների
խորհուրդով, մեկնում ե Յերևան։ Այստեղ նա ապ-
քուստի միջոց ե հայթայթում լուսանկարչությամբ։
Ի դեպ պիտի ասել, վոր Պոռշյանը դեռևս 1863 թվին
«Կոռունկ» ամսագրի խմբագրության հաշվով սովորում
ե լուսանկարչություն և ձեռք ե բերում գործիքներ։
Պոռշյանին հետագայում շատ անգամ ե պետք դա-
վա այդ արհեստը։ Ամեն անգամ, յերբ նա ուսուցչա-
կան ասպարեզից զանազան պատճառներով հեռու լե-
յեղել, իբրև հաց աշխատելու միջոցի՝ դիմել ե լուսանը-
կարչությանը։

1866 թվին Պոռշյանը մտադրվում ե Թավրիզ անց-
նել, այնտեղ աշխատել մի տարի, ապա մեկնել
Հնդկաստան։ Հավանորեն նոր յերկրներ տեսնելը դի-
տավորությամբ եր Պոռշյանն այդպիսի հեռավոր ճա-
նապարհորդություն կատարելու։ Նույն թվի ձմեռն
անց ե կացնում Նախիջևանում և Որդուքադում։ Թավ-
րիզ գնալու համար ճանապարհածախս ե պատրաստում
լուսանկարչությամբ։ Միենույն դիտավորությամբ գը-
նում ե Սպուլիս։ Լսած լինելով Պոռշյանի անունը,
ազուլեցիք հորդորում են թողնել Թավրիզ գնալու
մտադրությունը և տեղում մի կանոնավոր զպրոց հիմ-
նել։ Պոռշյանը համաձայնում ե և մնում։ Սկսում ե
գործի նախապատրաստությունը, վորը և արտգ թա-
փով առաջ ե գնում։ Յերկու շաբաթվա ընթացքում
25 հազար ռուբլի նվեր ե ժողովվում բացվելիք յեր-
կու սեռի գալրոցների նյութական ապահովության հա-
մար։ Պոռշյանի ձեռքով կազմվում և գյուղական հա-
սարակության ժողովում հաստատվում ե դպրոցների

կանոնադրությունը և ներկայացվում կաթողիկոսին ի հաստատություն։ Այստեղից ել սկսվում է գործի դժվարությունը։ Կաթողիկոսը տհաճությամբ ե ընդունում նրանց։ «Գլխներիս սառը ջուր մաղվեցավ,— գրում ե նա «Հուշիկների» անտիպ սասում,— ծակումուտների լարած վորոգայթները հաստատուն են յեղել։ Նրանք հաջողացրել են»։ Մեծ դժվարությամբ, վերջապես, ստանում են կաթողիկոսի թույլտվությունը դպրոց բացելու վերաբերյալ և վերադառնում։ Թիվլիսիից և Յերևանից Պոռշյանը ուսուցիչներ ե հրավիրում, Պարապմունքներն սկսվում են և առաջ են զնում մեծ հաջողությունը շուտով վրդովում ե։ Ագուլիսի փողոցներում՝ պատերին փակցրած՝ Պառշյանին վարկարեկող տոմսակներ են հայտնվում։ Տոմսերի հեղինակները Ագուլիսի տերտերներն ու տիրացուներն եյին, վորոնք ցանկանում եյին քայքայել դպրոցը։ Խավարի քուրմերը փորձում են քայքայել ժողովրդի ձեռքով գլուխ բերված լուսավորության գործը։

1868 թվի սկզբներին Ագուլիսում հայտնվում ե վարդապետ Գեորգ Արամյանը, վոր Ագուլիս եր յեկել խավարամիտ Սարգիս Զալալյանի թելադրանքով, դպրոցը քայքայելու դիտավորությամբ։ «Դու զրկված ես քայքայելու այդ ոճի բունը»—գրում ե Զալալյանը Արամյանին։ Նույն նամակում նա այսպես ե հորդորում իր գործակալին։ «Գործիր, վարդապետ, մեր սկսուածը պատերազմ ե, այդ ֆարմասիոններից մեր պատիվը վոտնատակ գնալու յե մի որ, լեթե ցայսոր չի գնացել»։ Արամյանը Ագուլիսից հեռանում ե խայտառակված և անարդված։

Պոռշյանի դեմ լարվող դավերի վերջին հերոսը Ագուլիսում վարդապետ Մեսրոպ Սմբատյանն եր: Այս խարդախ հոգեորականը, վոր ձևանում եր Պոռշյանին «սըրտակից բարեկամ», փորձ և անում վերջինիս և դպրոցի հոգաբարձության միջև գժառություն առաջացնել: Դավադրությունը բացվում է և Սմբատյանը ամոթահար հեռացվում և Ագուլիսից: Սակայն շատ չանցած նույն Սմբատյանի շնորհիվ ստացվում է սինողի հրամանը, վորի ուժով Պոռշյանը «իբրև անբարույականացնող, մուռեցնող պայծառամիտ ազուլեցիներին» հեռացվում և թե տեսչությունից և թե ուսուցչությունից: Սինողի հրամանը սպառնում է, յեթե հոգաբարձուներն ընդդիմանան, սինողը քաղաքական իշխանության կդիմի և կլարվի այնպես, ինչպես ինքն և իմանում: 1868 թվի հունիսի վերջին Պոռշյանը ընդմիշտ թողնում և Ագուլիսը:

Գյուղական հասարակությունից սիրված և հարգված ժողովրդական ուսուցիչը չարաշար հալածվում և կը-զերից...

868 թվի ամառը Պոռշյանը անց և կացնում էր հայրենի դուդում՝ Աշտարակում: Դեռևս նոր պաշտոնադուրկ յեղած վիպասանին վոգեորում և գործունելության մի նոր իդեա: Այդ ժամանակ Աշտարակ գյուղում որինավոր դպրոց չկար: Պոռշյանը փորձ և անում յերկու քահանաների ձեռքով յերկու թայֆայի պառակտված գյուղը միավորել և մի կանոնավոր դպրոց հիմնել: «Քահանայք միմյանց դեմ ատելություն տարածելով ժողովուրդն ել նույն տրամադրության մեջ են պահել»: Հասարակական ժողով և գումարվում: կարդացվում և Պոռշյանի ձեռքով կազմ-

ված դպրոցի կանոնագրությունը, ընտրվում հոգաբարձություն, Սակայն հաջորդ որը, չերք պիտի միացնելին յերկու դպրոցների աջակերտներին, վորոնց կը թությունը և դաստիարակությունը մինչ այդ հանձնված եր կիսագրագետ տիրացուներին, Մարիանե յեկեղեցու քահանա Տեր-Սարգիսը՝ կաթողիկոսի ռեակցիոն գաղափարների թարգման Նիկողայոս Տեր-Հովհանիյանցի¹՝ դրդումով գործը խափանում եւ նա մերկացրած սրով փակում եւ հոգաբարձուների ճանապարհը և սպառնում աշակերտներին սրախողխող անել, յեթե վերջիններս կհամարձակվեն վոտները դուրս դնել Մարիանեյի բակից, Պոռշյանը սրտաբեկ թողնում եւ Աշտարակը և մեկնում Թբիլիսի, Այս դեպքից հետո Պոռշյանը «վատ վարքի» և յեկեղեցուն «վատ ծառալելու» համար զրկվում եւ ուսուցչության իրավունքից: Այս և հետագա մի շարք տարիներին Պոռշյանի հիմնական գրադմունքը լուսանկարչություններ: «Մշակ» լրագրի 1872 թվի № 6-ում տպագրված եւ հետեւալ հայտարարությունը: «Թոտոգրաֆ Պերճ Պոռշյանը հայտնում եւ լուր շնորհակալությունը Թիֆլիզո հարգո հասարակությանը այն համակրության համար, վոր նա ցույց եւ տվել դեպի յուր Փոտոգրաֆիան:

Պերճը հիմի ել պատիվ եւ համարում իրեն հայտնել, վոր ինքը ստացել եւ արտասահմանից Փոտոգրաֆիա նոր դեղորակը և մաքուր պատկերներ հանելու մետողաներ:

1 Վիպասանը հետագայում Տեր-Սարգսից կերտել եւ Միկիառն Սաքոյի տիպը, Նիկողայոս Տեր-Հովհանիյանից՝ Բալասահ աղարիչ: Այս հանգամանքը, վոր նույնիսկ դրականագետներից շտակըն անհայտ է, Աշտարակում հանրածանոթ փաստ եւ

Նույնպես հանում և նա պատկերներ և քթի աղլու-
խի վրա բավականի եժան գնով:

Պերճ Պռոշյանցը հույս ունի, վոր այսուհետև թիֆ-
լիզի պատվելի հասարակությունը չի թողուլ առանց
ուշադրության յուր գործարանը, վոր գտնվում և Մի-
քաբելովսկի կամրջի վրա»:

Ճակատագրի վրապեսզի հեղնանք: «Թիֆլիզո հարգու-
հասարակությունը» համակրություն և ցույց տվել վոչ
թե վիպասան, այլ լուսանկարիչ Պռոշյանին, վոչ թե
«Սոս և Վարդիթեր»-ի անմահ հեղինակին: այլ քթի
աղլուխի վրա նոր «մետողաներով» եժան գնով նկար-
ներ հանողին: Այդ նրանից չե՞ր արդյոք, վոր Պռոշ-
յանի լուսանկարչական ապարատը արտասահմանյան
ւավ թղթի և դեղորայքի շնորհիվ ընդունակ եր սիրա-
շահելու հայ բուրժուակի փառասիրությունը՝ ցույց տա-
լով նրա արտաքին փայլը միայն, յերբեմն նույնիսկ
հղկելով և կոկելով նրա անտաշ մռութը, իսկ վիպա-
սան Պռոշյանի ստեղծագործական ապարատը զուրկ
եր այդ հատկությունից և ընդհակառակը ոժուված եր
գեղեցիկ արտաքինի տակ թագնված այլանդակ իրա-
կանությունը մերկացնելու կարողությամբ:

1872 թվին Պռոշյանը հրավիրվում և աշխատելու
«Մշակ» լբագրին: Արծրունին հայերենին վատ եր տի-
րապետում և անծանոթ եր հայ կյանքին, ուստի «Մը-
շակ»-ը «հայության շավզով» տանելու համար նա ի-
րեն շրջապատում է Հայաստանի զանազան գալառ-
ների կյանքին քաջ ծանօթ և հայերենին հմուտ մարդ-
կանցով: Ահա սրանց թվին եր պատկանում նաև
Պռոշյանը: Սրանք աշխատում եյին անձնվիրաբար,
չիսնայելով լեռանդ և ջանք: Սրանց շնորհիվ «Մշակ»-ն

սկզբից և յեթ մեծ հաջողություն և ունենում: «Առանց
ինչ ակնկալության, հայ գրականությանը ծառալելու
միայն մտքով, ցորեկը նոքա յուրյանց մի կտոր հա-
ցի քամակից են վաղում, իսկ գիշերը քունը կտրած
մինչև կես գիշեր ևս ավելի պարապում «Մշակ»-ի
խմբագրատանը, շատերը մինչև տպարանն են վաղում,
վորը մուր և քսում, վորը սրբագրությամբ և պարա-
պած և վորը տառեր և ցրվում»:

Գրիգոր Արծրունին սկզբնական շրջանում նրանց
նույնիսկ խմբագիրներ եր համարում և վոչ լոկ խըմ-
բագրության անդամներ, իրեն վերապահելով պատաս-
խանատու խմբագրի կոչումը: «Գիտնական Արծրու-
նին—իրոնիայով գրում և Պոռշյանը—ամոթ չի համա-
րել յեվրոպական հայացքով գրած հոդվածը յենթար-
կել մի քանի թերուսների քննությանը. նա յուր ձեռ-
քով դրիչը հանձնել և նույն հայագետներին՝ հայաց-
նելու յուր հոդվածը»:

Արծրունին շուտով ամրապնդված տեսնելով իր գիր-
քը, սկսեց աստիճանաբար հետ խլել իր աշխատակից-
ների իրավունքները, խեղդել նրանց ձայնը: Վոգեռ-
ությամբ գործին կտած անձնազն աշխատակիցների
խումբը սկսեց ցրիվ գալ: Պոռշյանի աշխատակցու-
թյունը «Մշակ»-ին շատ կարճ և տեսում: Նա հենց նույն
տարին, 1872 թվին, թողեց «Մշակ»-ը: Հեռացան նաև
Զմշակյանը և Ամերիկյանը: «Հին թերուսներից—գրում
և Պոռշյանը,—միայն Բաֆֆին գլուխը կախ ծանր նըս-
տեց յուր տեղը իրեն վարձկան աշխատակից, վոր վա-
յելեց և անուն ստացավ»:

Հիշյալ ինտելիգենտների հեռանալը «Մշակ»-ից և
Արծրունուց պատահական չեր, ինչպես և պատահական

չեր այն հանգամանքը, վոր Մաֆֆին համակերպվեց «Մշակ»-ին։ Պոոշյանն իր գեմոկրատական աշխարհաւացքով չեր կարող հաշտության լեզր գտնել լիբերալ հրապարակախոսի հետ։ Ասել ե թե՝ Պոոշյանի «Մշակ»-ից հեռանալն ուներ իր սոցիալական խորը պատճառը։

* * *

«Մշակ»-ից հեռանալուց հետո Պոոշյանը վոգեորվում ե կնոջը բժշկուհի դարձնելու մաքով։ Այս մտադրությունն իրագործելու համար կամենում ե անցնել արտասահման, հույսը դրած լուսանկարչության և բարեկամների ոգնության վրա։ Պոոշյան ամուսինները սկսում են գերմաներին սովորել, սակայն կառավարության կարգադրությունը՝ հետ կանչել Ցյուրիխից բոլոր ուսւանողուհիներին, հուսախարություն ե առաջացնում նրանց մեջ։ Ինչ խոսք, վոր նրանց այս մտադրությունը լերբեք չիրագործվեց, բայց յերկար ժամանակ նրանցից չեր հեռանում ալի միտքը։

1874 թվի ամառը Պոոշյանը հրավիրվում ե Հաշտարխան։ Այստեղ նա հիմնում ե յերկսեռ ծխական գպրոց։ Հաշտարխանում անցկացրած տարիներից նա չափազանց դժգոհ ե։ Այստեղ ևս Պոոշյանը չի ազատվում խավարամիտների դավերից և հալածանքներից։ «Պրոտեստանտ», «անաստված», «անըրարյական» ըառերով ելին վորակվում այստեղ Շանշյանը և նրա աշակերտները։ Հաշտարխանից Դ. Աղայանին գրած մի նամակում Պոոշյանը գրում ե. «Այստեղ չկա այնպիսի ընկերություն, յեղածները մի քանի յերիտասարդներ են, վորոնց քթի ծայրին վորզը շուրջով չի հաս-

Նիւ, իրենց համարում են բարձր արխտոկը առ և միշտ միայն կլուրի հերոսներ»: «Կլուրի հերոսներ» շըրջանում Պոռյանն իրեն զգում ե բացարձակապես միայնակ: Միաժամանակ նա աչք չի բացում ընտանեկան դժբախտություններից: Նա ձգտում է դուրս պրծնել այդ անտանելի միջավայրից և հարմար առիթի յե սպասում: 1876 թվին սկսվեց հրապարակվել Արգար Հովհաննիսյանի «Փորձ»-ը: Խմբագիրը մի նամակով գիմում ե Պոռյանին, հրավիրելով աշխատակցելու ամսագրին: Խրախուսված «Փորձ»-ի խմբագրի նամակից, Պոռյանը Հաշտարխանում սկսում է զրել «Կովածաղիկ»-ը: 17 տարի գրական աշխարհից հեռացած հեղինակը կրկին վերադառնում է գեղի գըրականություն: 1877 թվին նա թողնում է Հաշտարխանը և տեղափոխվում է Թրիլիսի: Այդ թվին ել «Փորձ»-ում լույս ե տեսնում «Կովածաղիկ»-ը: 1879 թվին նույն ամսագրում տպվում է հեղինակի գլուխ գործոց «Հացի խնդիր» վեպը:

«Սոս և Վարդիթեր»-ից հետո Պոռյանի գիտողության շրջանակներն ագելի ես ընդարձակվում են, նրա հայացքը լերեռութների վրա ավելի ես խորանում ե, նոր յերեռութներ են գրավում նրա ուշադրությունը. կենցաղին հարցերը մղվում են հետին պլանի վրա և առաջին պլանի վրա յեն քաշվում գյուղական գառակարգերը, նրանց մեջ յեղած փոխհարաբերությունը: «Սոս և Վարդիթեր» և «Հացի խնդիր» վեպերի մեջ ընկած ե մի ամրող քսանամյակ: Սոցիալական շերտափորումը դյուդում արագ թափով առաջ եր գնացել և գասակարգերի մեջ ստեղծվել եր անանցանելի անձը պետ: Առաջացել եր ցեցերի - գյուղական կյանքի

Քայքալիչների մի ահազին բազմություն։ Սրանք պաշտոնամուլ շահամուլ, կաշառակեր աստիճանավորներն ենին, կեղեքիչ վաշխառուները և իր ստոր գործունեցությամբ առաջիններին գերազանցող հոգեորականությունը։ Սրանք գյուղական աշխատավորության գեմհանդես են գալիս միասնական ճակատով։ Սրանց մեջ շահերի հակասություն չկա, ընդհակառակը նրանց շահերը խաչաձեվում են։ Անհնարին եւ պատկերացնել Միկիտան Սաքոյին առանց մովրովի, ինչպես նրա միկիտանխանեն առանց մովրովի ապարանքի։ Իսկ գյուղական քահանան սրանց դավերի մշտական գործակիցն ։



Պ. Պողյան

Պոռշյանի ստեղծագործության մեջ առանձնահատուկ տեղ ունի «Հացի խնդիր» վեպը: «Հացի խնդիր»-ը Պոռշյանի գրական հասուն շրջանի արգասիքն ե: Դա մի գործ ե, վրբ բացառիկ արժեք ու նշանակություն ունի ամբողջ հայ վիազագրության մեջ, վորպես սուցիալական խոշոր յերկ: Ավելի քան յերեք հարյուր հիսուն մեծադիր եջերից բաղկացած այդ ստվար գիրքը մի հայելի յի, վորն իր մեջ անդրադարձել և 60—70-ական թվականների Արարատյան դաշտի վրա դերի կյանքը:

Ահավասիկ վեպի բովանդակությունը:

Աշտարակում անվանի հարուստ Խեչանանց Խեչանի միակ ժառանգը նրա աղջիկն եր՝ Հեղնարը, վորին հայրը մանկուց նշանել եր Սմբատի հետ: Հեղնարը չնայած աշքի չեր ընկնում իր գեղեցկությամբ, բայց հարուստ ոժիտի շնորհիվ բազմաթիվ գյուղական յերիտասարդների տենչանքի առարկան եր: Խեչանի հարըստությանը աչք եր դրել նաև Միկիտան Սաքոն, այս վեպի կենտրոնական անձը: «Խեչանի աղջիկը չեմ առնում, նրա մալու գովիաթը պիտի լինի իմ կնիկը»—ասում եր նա: Սաքոն մուրովի (գավառապետի) հետ ունեցած իր բարեկամության ու կապերի շնորհիվ խափանում և Հեղնարի ու Սմբատի պսակը: Այնուհետև զանազան հնարներով փորձում ե գրավել Խեչանի սիրտը, շահել նրա համակրանքը: բայց Խեչանը լավ եր ճանաչում «սատանա» Սաքոյին և գիտեր այդ բոլորի բուն շարժառիթը: Սաքոն փորձում ե ավազակ-ների միջնորդ վախցնել Հեղնարին, սակայն Հերիք-նազը (Խեչանի այրիացած քրոջ աղջիկը, վոր մոր հետ նրա տանն եր ապրում) սպանում ե ավազակներից

մեկին և խանգարում նրանց դիտավորությունը։ Այս
դրությունից Սաքոն հաջող յելք ե գտնում։ Մարդա-
սպանության մեղադրանքով բանտարկել ե տալիս Խե-
չանին և վերջինիս բարերար ձևանալով, սկսում ե
քամել նրա հարստությունը։ Գալիս ե «արդարադատ»
քննիչը և ազատում արդեն գերեզմանի դուռը հասած
Խեչանին։ Սաքոն «արդարադատությունից» խույս ե
տալիս, անցնում ե Պարսկաստան վորպես պարսիկ
կրօնավոր։ Մինչև Խեչանի բանտից զուրս գալը մեռ-
նում ե Հեղնարը, մեռնում ե և Խեչանը։ Սմբատը ա-
մուսնանում ե Հերիքնազի հետ և տեր ե դառնում Խե-
չանի ժառանգությանը։

Վեպի մեջ բոլոր գործողությունների հիմնական ա-
ռանցքը Սաքոն ե, բոլոր գործողությունները նրա
շուրջն են դառնում, նրանից են սկսվում և նրա վրա
հանգչում բոլոր դեպքերն ու անցքերը։

Միկիտան Սաքոն առետրավաշխառուական դա-
սակարգի տիպական ներկայացուցիչն ե։ Նա լավ ե
հասկացել կապիտալիստական հասարակության գալլի
որենքը և ինքն ել զինվել ե գիշտատիչի ժանիքներով։
Նրա մանկությունը տնց ե կացել իր պես գող ու խա-
բերա գինեվաճառների զինետներում։ Սաքոն աշա-
կերտելով նրանց գերազանցել ե իր ուսուցիչներին իր
ճարակիկ խաբերայությամբ։ Ամենուրեք իր շահը հե-
տապնդող, աշխատավորներին հարստահարող Միկի ուան
Սաքոն նրանց ցավակից և բարեկամ ե ձեանում։ Փող
դիզելու տենչը սրա մոտ բնավորություն ե դարձել,
ալդ մի կիրք ե, վորի մեջ լուծվում, կորչում են մնա-
ցած բոլոր ձգտումները։ Նրա համար չկան բարոյա-
կան նորմաներ, վերացել են՝ թուլատրելիի և անթու-

լատրելի սահմանները. ամեն ինչ լավ ե, յեթե նպաստում ե փող դիզելուն: Փողը նրա կյանքի նպատակն ե և ըոլոր գործողությունների առանցքը: Վորապես կապիտալիզմի ներկայացուցիչ նա լավ գիտե փողի ուժը: Փողն ամեն ինչ ե, նա կուռք ե, պաշտօնմունք, աստված: Յեկ այդ ամենահզոր ուժին տիրանալու համար Սաքոն միջոցների մեջ խտրություն չի դնում. «Նպատակը արդարացնում ե միջոցը»: Ստոր գավեր և խարդախ մեքենայություններ հորինելու մեջ Սաքոն անգերազանց ե:

Բնատնտեսության շրջանում արհամարհված փողը այստեղ չտեսնված ուժ և իշխանություն և ստացել և այդ իշխանությունը լծի պես ծանրացել և աշխատավորության վղին: Արհամարհված փողատերը Պոոշյանի գյուղում կենտրոնական դեմք և վեպում՝ գլուխավոր գործող տնձ:

Աշխատավոր գյուղացին մինչև կոկորդը խրված երպարտքի մեջ, Մի անգամ վաշխառուի ճանկն ընկնողը այլիս փրկություն չունի: Պարտքը ժառանդաբար անցնում ե հորից վորդիներին: Հորը խեղդող ողակը խեղդում ե նաև զավակներին: «Առաջ ով վոր մի թուման պարտք եր ունենում, քունը չեր տանում ընչանք մի յեղը, յա մի կովը չեր ծախում, իր հողին թափում: Հիմի գիտես քանի թումաններ են անտեր սանադի մեջ դրվում: Ի՞նչ յեղը, ի՞նչ տուն ու տեղ, ի՞նչ մուլք, վորդին ել վոր ծախի, պրծնում չկա. ըստի չգիտեմ, թե սրա վերջը ուր պիտի հասնի»...

Ինչպես վերը ասացինք, անհնարին և պատկերացնել Միկիտան Սաքոյին առանց մովրովի: Սաքոն գործում եր մովրովի գիտությամբ և աջակցությամբ:

Կապը գավառապետի հետ ավելի մեծ ուժ և համարածակություն ետալիս նրա զործունեյությանը, Զարմանալի սուր դիտողություն ե հանդես բերել Պոռշյանը այս դեպքում ևս: Նա ցուց ե տվել այդ կապի վոչ պատահական, այլ գասակարգային բնույթը:

Մովքովը տիպիկ ներկայացուցիչն ե ցարական աստիճանավորության: Նա իր պաշտոնի վրա նախում ե իբրև լեկամտի անսպառ ազբյուրի: Կաշառակերությունը նրա մոտ բնավորության գիծ ե: Նրա պաշտպանությունից ոգտվում են նույնիսկ ավագակները: Փողովրդին հարստահարելու համար Սաքոյի հնարած բոլոր մեքենայություններին մովքովը որենքի ուժ ե տալիս: Որենքն ու իշխանությունը մովքավի սեփական շահերին ու բարեկեցությանն են ծառայում: Իր շահերից գուրս չկա վահ որենք, վահ իշխանություն, իշխանությունը մովքովի ձեռքին մսագործի դանակ ե, վորով նա մաշկում ե ժողովրդին: Նա իր բոլոր ապօրեն արարքների համար բարձր իշխանության կողմից մնում ե անպատճե: Իր կողովուտից առատ բաժին ե հանում մեծավորներին, զրանով ավելի ամրապնդելով իր դիրքը: Այսպիսով Պոռշյանը մերկացնում ե ցարական պետական սիստեմի ամենազաղբելի կողմերից մեկը՝ վարից վեր կաշառքով դիրք ամրապնդելը և բարձր պաշտոնների հասնելը:

Վաշխառուներից կեղեքվող գյուղը մյուս կողմից կողովագում ե իշխանության ներկայացուցիչների ձեռքով: Կյուղացու վողնաշարը ծովում ե հարկերի ծանրությունից: Կոռ ու բեգյառը կըկնակի սոսկալի յեն դառնում մանավանդ մովքովի, լասավուլի, տա-

նուտերի որինաղանցությունների շնորհիվ։ Նրանք
ավելի հանգուգն են դառնում շնորհիվ այն բանի,
վոր գյուղացին տգետ ե, որենքից բան չի հասկանում։
Գյուղացին ստիպված ե լինում ամեն քայլափոխին
իր քսակի բերանը լաց անել։ Նրան սովորեցրել են
յերբեք առանց կաշառքի կամ «նվերի» աստիճանա-
վորի դուռը չգնալ, իսկ գյուղացին հաճախ ե գնում
որենքի դուռը, հաճախ ե պատահում կառավարության
պաշտոնյային։ «Խալխումն ել հալ չմնաց, յեղը վեր
են կացնում, տակիցը հորթը ուզում, զոռով մարդ-
կանց կովացնում են, վրը մեջտեղը իրենք մոծակի

պես ծծեն, արնաքամ անեն։ Ել վոչ դիվա։ կա, վոչ
դատաստան, վոչ իրավունք կա, վոչ արդարություն։
վերջին մեհտարիցը բռնած ընչանք ինքը մովովը՝
ձեռը դեմ արած ուզում են։ Ախր վորտեղից տան, մի
մեր գեղի հալը հարցրու՝ կսարսափես, վոր լսես. տուն
կա, վոր պարտքի տակին թաղված չլինի. Ի՞նչ են
ուտում. կերածները, պաս որը ցամաք հաց ա, ուտի-
սին մի կտոր աղվեսի չոր պանիր, հագածներն ել վոր
մի թել քաշես իննը հարյուր կարկատան վեր կընկնի։
ախր թե վոր ես կոռ ու բեղյառը չլինի, ընչի հա-
մար պիտի պարտքի տակ ճղմվի։ («Հացի խնդիր»)։
Ցարական պաշտոնեյության համար գյուղը ավա-
րառության վայր եր, սա մի տեսակ գաղութային
թալանի շրջան եր հայ գյուղի կյանքում։

Պաշտոնյան գյուղացու հոգեառ հրեշտակն ե, նրա
սոսկ յերեալը ահ ու սարսափի ե աղդում գյուղացուն։
Գյուղացու աչքը վախեցել ե, նա յերբեք լավ բան չի
տեսել պաշտոնյայից և վոչինչ լավ բան չի սպասում։
Բոլոր գեղքերում վոտնահարկում են աշխատավորի

մարդկային տարրական իրավունքները. գյուղացին պաշտոնյայի կարծիքով մարդ չե: Նրան ոռզգի տալն աստիճանավորի համար նույնն է, ինչ լծկան անասունին ծեծելը: Գյուղացու մերկ թիկունքը հաճախ և կապտում յասավուլի մտրակից:

«Արյունը վաղելով ցած իջավ գյուղացու լերեսով և նա գլխիվայը գետնին պառկեց:

— Թեկուղ քոռանաս ել՝ հոգս չի, թե դու սատկած՝ թե մի շուն՝ զուլուղի մարդի համար մին ա, յերկու աքացի ել գլխին իջեցնելով՝ բաց թողեց յասավուն ընկած մարդուն»... («Հացի խնդիր»):

Այսպիսին ե Պոռշյանի նկարագրած գյուղի պատկերը ընդհանուր գծերով: Հարստահարվող, ըռնադատվող, որենքից անտեղյակ, իրավագուրկ, իշխողների քմահաճույքին մատնված գյուղացու կյանքից ցնցող պատկերներ և ստեղծել Պոռշյանն իր վեպում: Նրա ստեղծած վաշխառուների և այլ կարգի հարստահարիչների տիպերն անկրկնելի յեն: Միկիտան Սաքոն, Բալասան աղան, Բղդեն 19-րդ դարի առաջին կեսի մեր իրականության արյունաբրու շայլոկներն են, վորոնք հասարակ անուններ են գարձել:

Ծոսկալի չափերի հասնող ձնշումը և հարստահարությունը բնականորեն առաջացնում են ընդդիմադրության փորձեր. դրանք գեռես թույլ են, աննշան, ավելի բնազդական բնույթ ունեն, քան զիտակցական, բայց և այնպես կան և ապացույց են դասակարգային պարագաների առկայության: Զգացվում ե գյուղական աշխատավոր մասսայի ընդհանուր դժգոհությունը տիքող դրությունից, նրա խուլ, զսպված զայրույթը, նրա քողոքի ձայնը տիրողների դեմ. Գյուղական մասսայի

մեջ կան որենքին տեղյակ, հասարակության շահերին
նվիրված հատ ու կենտ մարդիկ, վորոնք քննադա-
տում են, բողոքում, ընդդիմազրության փորձեր ա-
նում, դրդում գյուղացիներին կոլեկտիվ պայքարի:
Պոռշյանը կոչ ե անում գյուղացիներից մեկի բերա-
նով «միմյանց քոմակ անել, մի խոսքի լինել», Գյու-
ղի չքավորության շահերի պաշտպան ե հանդիսանում
Յաքուլը, վորին վիպասանն ճշմարտախոս ածականն
ե տալիս: «Յես տեսնում եմ, վոր աղքատը շատ ա
զբնվում»—բողոքում ե Յաքուլը ընդդիմ տանուտերին
«Աստված ել գիտի,—ասում ե նա,—վոր յես իմ քեֆի
գարդը չեմ, վոնց վոր ըլի մեր ջուրը ջրամանիցը կը-
հանենք, խոսքս աղքատ անձարների համար ա, վոր
թոնդիրն ածես՝ շորահոս չի վեր ըլիլ ու դուք խղճըմ-
տանքներիդ գուռը պինդ կողպած եկուց գլխներին ու
պիտի բերեք»: Սա անկյուններում արվող սովորական
տրատունջ չե, այլ բացահայտ պայքար:

Դյուղը աղնիվ աշխատավորների մի համայնք ե,
ուր յեթե չլինեցին ցեցերը, կիշխեր բարեկեցիկ ու
յերջանիկ կյանք, Ցեցերը խլում են արդար վաստա-
կով ձեռք բնրած աշխատավորի հացը, զրկում նրան
բարեկեցիկ ու յերջանիկ կյանքից: Այս ե Պոռշյանի
յեղրակացությունը իր նկարագրած գյուղական իրա-
կանությունից: Նա հեռու յե հոռետեսությունից: Ժո-
ղովրդի յերջանկության հույսը նա ճիշտ կերպով կա-
պում ե բոլոր տեսակի շահագործողների և շահագործ-
ման վոչնչացման հետ:

* * *

1879 թվին Պոռշյանը ծանր հիվանդանում ե, վորից
հետո ստիպված ե լինում թողնել Թքիլիսին: Հքավեր-

վում ե Եշմիածին և նշանակվում Յերևանի թեմի և
Ղարսի վիճակի թեմական տեսուչ: Պոռշյանի տեսչու-
թյան շրջանում բացվում են բազմաթիվ գյուղական
ծխական դպրոցներ: Նրա որոք այդ դպրոցների թի-
վը հասնում է հարյուր հիսուն յոթի: Աշխատանքի
թափառական բնույթը նորից նրան զրկում ե ամ-
բողջությամբ գրականությանը նվիրվելու հնարավո-
րությունից, բայց և այնպես այս տարիներին նա-
զրում ե «Շահնին» պատմական վեպը, վորը լույս է
տեսնում «Փորձ»-ում, 1881 թվին: Թեմական տեսչի
պաշտոնում Պոռշյանը մնում է մինչև հայկական գրպ-
րոցների առաջին փակումը՝ 1885 թիվը, 1885-ից մին-
չև 1987 թիվը Պոռշյանն ապրում և անհնամշվառ կա-
ցության մեջ: Սովամահությունից խուսափելու հա-
մար ստիպված ե լինում Յերեանում առժամանակ
ածխավաճառությամբ պարապել: Վերջապես 1887 թվին
հայոց լեզվի ուսուցչի պաշտոնով նա հրավիրվում
է Ներսիսյան դպրոցը և այնուհետև ընդմիշտ հաս-
տատվում Թըիլիսիում:

Զպիտի կարծել, վոր Պոռշյանի կրած հալածանքնե-
րը, տառապանքները և պատառ հացի ամենորյա հոգ-
ուը վերջանում են Թբիլիսի հաստատվելուց հետո: Ա-
մենեին վոչ: Դեմոկրատ վիպասանը իր կյանքի ամ-
բողջ ուղին տառապանքով է անցել: Յերբեք նա հա-
լածանքից աչք չի բացել ու հացի խնդիրը միշտ ել
լծի պես ծանրացած է լեզել նրա վզին: Նա ստիպված
է յեղել ամենորյա հոգնեցնող, բժացնող մանկավար-
ժական ծանր աշխատանքից հետո միայն ձեռքը գրիչ
առնել և ստեղծագործել: «Այսոր իս գրում եմ որա-
կան հինգ դաս տալուց և շաբաթական հարյուր հի-

սուն—լոթանասուն շարադրություններ տանն ուղղեց հետո, ել ինչ ուժ և հոգեկան զորություն ե մընում իմ մեջ գրականությանը նվիրվելու գործում ըստ պատշաճին փալելու»:

Դ. Աղայանը 1889 թվին «Աղբյուր»-ում հարուցելով Պոռշյանի 30-ամյա հոքելյանի հարցը գրում ե. «Նա տկարությանը չնայած, իր բաղմաթիվ գերդաստանը պահելու համար հարկադրված ե Ներսիսյան դպրոցում վարժապետության պաշտոն կատարել, վորապես շտապեցնե մեր ամենիս չցանկալի մահը: Մեզանից ավելի մի խելացի ժողովուրդ կապտհովեր նրան մի թեթև, վորապեսզի իր կյանքի մեացորդը բացառապես գրականությանը նվիրե, ճոխացնե մեր աղքատիկ գրականությունը իր արագաշարժ և աշխույժ գըշով, թողնելով վարժապետությունը նրանց, վորոնք լավ վարժապետ լինել կարող են, առանց կարողանալու տալ մեզ մի յերես Պոռշյանցի գրվածից»: Բայց Պոռշյանին վիճակված չեր այդպես «վաղ» աղատվել տնտեսական հոգսից և ամբողջությամբ գրականությանը նվիրվել:

1889 թվին «Նոր-Դար»-ը և «Աղբյուր»-ը հրապարակ են հանում Պոռշյանի գրական գործունեյության 30-ամյա հոքելյանի խնդիրը, արձագանքում և այդ հարցին նաև «Մուրճ»-ը: Սակայն Արձրունին և Արդար Հովհաննիսյանը «Ցեցեր վեպի կապակցությամբ Պոռշյանի գեմ կատաղի հալածանք են սկսում, անարդանքի չլսված խոսքեր ուղղելով հեղինակի հասցեյին, հալապարարելով նրա յերկերը զուրկ գեղարվեստական արժեքից: Պոռշյանի հոքելյանն, այսպիսով խափանվում եւ Շուտով հրապարակ և հանվում Արձրունու

հորելյանը: Արգար Հովհաննիսյանը փորձում է այս ևս
խափանել, և այդ նպատակին հասնելու համար գոր-
ծիք է դարձնում Զմշկյանին, փորձելով Պռոշյանին
ևս խառնել իր կեղտու գործին: Պռոշյանը հրաժար-
վում է իր մաքուր ձեռքերը ապականել հայ լիբերալ
հրապարակախոսների անմաքուր հաշիվներում: Ար-
գար Հովհաննիսյանը հարկադրանքի ամենախայտա-
ռակ միջոցներին է դիմում: Նա Ներսիսյան դպրոցի
հոգաբարձուն եր, սպառնում է Պռոշյանին պաշտոնից
ազատել, յեթե վերջինս Արձրունու գեմ զրպարտիչ
հողվածներ չգրի: Սպառնում է «Արձագանք»-ում նրա
հասցելին վարկաբեկիչ հողվածներ գրել: Պռոշյանին
ուղղած 1890 թվի ապրիլի 27-ի նամակում Արգար
Հովհաննիսյանը գրում է, «Յես համողված եմ, վոր
պատվի մասին ձեր հալացքներն ունեցող մարդը, ան-
կարող է դաստիարակի պաշտոն վարել վորեւ ուսում-
նարանական հաստատության մեջ: Յես համողված եմ,
վոր պատվի մասին ձեր գաղափարներն ունեցող վի-
պասանը իր ժամանակակիցների կողմից չպետք են մե-
ծարանաց արժանանա, վորքան և տաղանդավոր մա-
տենագիր լիներ նա»: Բերելով այս նամակն իր հի-
շատակարանում, Պռոշյանը գառնությամբ ավելացնում
է, «Հեյ անտեր մնաս, հացի խնդիր, ստիպված եմ հրա-
տարակության շտալ Արգարի արարքը, հարկադրված
եմ արտասուքս կուլ տալով բավականանալ հիշատա-
կարանիս թերթերը մրոտելով, մի գուցե առավել գըր-
գըռեմ Արգարին և նրա շնորհիվ ապրուստի միջոցից
զբկվեմ»: Այդ հալածանքները Պռոշյանի գեմ Հով-
հաննիսյանը շարունակում է նաև 1892 թվին: «Ար-
ձագանք»-ում ծաղրում է Պռոշյանի դասավանդությու-

նը, «վոր մի որ, ինչպես հոգաբարձու, կարողանա առաջարկել իմ արձակման հարցը, ինչպես արեց յերկու տարի առաջ»։ Նշալակության հետեւյալ խոսքերով ե յեղբափակում Պոռշյանը իր խոսքը. «Ամոթ Արգարին և Արծրունուն, ամոթ մեր հրապարակախոսներին. իրենց բոլոր զործողության եյական կետն անձնական շահն ու յեսն են արել»։

Եկերալ ինտելիգենտներն անվերջ դառնացրել ու թունավորել են դեմոկրատ վիպասանի կյանքը, սակայն այդ հալածանքներն անզոր յեղան հեղինակի մեջ մեղցնելու գրականությամբ աշխատավորությանը ծառայելու մեծ ձգտումը, մի ձգտում, վորով առաջնորդվել ենա իր գրական գործունեյության ամբողջ ընթացքում։



Վիպասանի սիրած վայրը Պատշյանների այգում։

1883 թվին սկսվում ե հրատարակվել Արասխանյանի «Մուրճ»-ը: Պոռշյանը հրավիրվում ե աշխատակցելու ամսագրին: Այս շրջանում են գրված նրա մի քանի նշանավոր վեպերը՝ «Յեցեր» (1889 թ.), «Բղդե», (1890 թ.), «Սկիզբն յերկանց» (1892 թ.): Առաջին յերկուսը տպվել են «Մուրճ»-ում:

«Յեցեր»-ը գրված ե «Հացի խնդիր» վեպից տասը տարի հետո: Այդ շրջանի գործերի մեջ դա լավագույնն ե և արժանի առանձին ուշադրության: «Յեցեր»-ը ժամանակին յենթարկվել ե լիբերալ մամուլի խիստ հարձակումներին: «Մշակ» լրագիրը իր պաշտպանության տակ առնելով ժողովրդի արնախում տղրուկներին՝ Գնթունիներին, Բալասան ազաներին՝ հայնոյանքի: և լուսանքի խստագույն խոսքեր ե ուղղել Պոռշյանի հասցեյին, անվանել ե նրան «ըրու», վեպը պասկվիլ, «վեպ» դոյականը առնելով չակերտների մեջ: Նույն բացասական վերաբերմունքին ե արժանացել «Յեցեր» նաև «Արձագանք»-ի կողմից:

Զափաղանց խոշոր ե «Յեցեր» վեպի դերը իր հասարակական արժեքով: և սոցիալական հագեցվածությամբ: Վեպի այս կողմն ե, վոր կծու չե թվացել լիբերալ քննադատների քիմքին:

Ահա նրա համառոտ բովանդակությունը.

Ո. գյուղի իգիթ յերիտասարդներից մեկը, Պետրոսենց Սամսոնը, սիրում ե Ալեքսենց Բարսեղի ազգկան՝ Սոնային և փոխադարձաբար սիրվում նրանից: Նրանց ալգիները կից են, դրա շնորհիվ նրանք հաճախակի գաղտնի տեսակցություններ են ունենում: Սոնան իր հոր յերեք այդիների և ընտիր հողերի միակ ժառանգըն եւ նա միաժամանակ աչքի յե ընկնում իր ար-

տակարգ գեղեցիությամբ։ Սիրահարների ծնողները
համակրում են նրանց զգացմունքները և պատրաստ
են շուտով ցանկալի բարեկամություն հաստատել լեռ-
կու ընտանիքների միջև։ Սիրո, բարեկամության և
փոխադարձ համակրանքի այդ մթնոլորտում հանկարծ
հայտնվում ե Խուզոն՝ գլուղի տանուտերը, չարու-
թյամբ և անաղնիվ հակումներով լեցուն։ Շլացած Ալե-
քենց Բարսեղի այգիներով, վոտնահարելով բարեկա-
մության—չհասության որենք, Խուզոն կամենում և
Սոնային ամուսնացնել իր վորդու հետ և տեր դառ-
նալ Բարսեղի սեփականությանը։ Խուզոյին ամեննեին
չի հետաքրքրում Սոնայի, նմանապես և իր վորդու
զգացմունքները։ Խուզոն Սոնային նույնիսկ լերբեք չի
տեսել և այդ նրա փուլից չե։ «Քո մեղաց պարտա-
կան ըլիմ, թե աչքս աչքին առած ըլնի, կամ կարո-
յի մտքով անցկացած ըլնի։ մլքերի համար եմ ու-
զում», ասում ե Խուզոն Բալասան աղին։

—Ասում են աչքի մեկը կույր ե, տնաքանդ,—հեղ-
նեց Բալասան աղին։

—Տն, թող քաշալ ել ըլնի։ իր բաղերի թփիցը կքա-
զենք՝ գլուխը կծածկենք, իր հավողի պաղները աչք
կդնենք։

Խուզոն ունենալով իրեն աջակիցներ Բալասան ա-
ղին, Գնթունուն և Տեր-Սուքիասին, Սոնայի և Սամ-
սոնի նշանը խափանում եւ մարդասպանության սուտ
մեղադրանքով վերջինիս բանտ նստեցնում։ Բայց մի
անակնկալ դեպք գործի ընթացքը միանգամայն փո-
խում ե, Գտնվում ե Գնթունու հիշատակարանի թեր-
թերը, վորոնցով Բալասան աղի և նրա գործակալների
բոլոք մութ գործերը լույս աշխարհ են հանվում։

Գնթունին բանտարկվում ե և բանտից փախչում Վահն,
Խուզոն զրկվում ե տանուտերությունից և ակամա
հրաժարվում իր ստոր մտադրությունից. Սամսոնը և
Սոնան ամուսնանում են:

Այս դեպքերի ֆոնի վրա իրենց քայլայիշ, ավերիչ
գործունելությամբ հաւդես են գալիս գյուղի ցեցերը՝
Բալասան աղան, Գնթունին, Խուզոն և Տեր-Մու-
քիասը:

Բալասան աղան ավանտյուրիստ Միկիտան Սաքոյի
և ասեղ ու թել ծախող մանր չարչի Բղդեյի համեմա-
տությամբ կապիտալիստական հարաբերությունների
զարգացման ավելի բարձր ետապի ներկայացուցիչն
եւ Նա խոշոր վաշխառու է, գործունելության լայն
շրջանակով: Բալասան աղան իր բոի մեջ և սեղմել
մի ամբողջ գավառ: Նա միաժամանակ բարձր աստի-
ճանավոր եւ Բալասան աղան Սաքոյի և մովրովի սին-
թեզն ե: Փող դիզելու տեխնի հետ մեկտեղ, նա ունի
իշխանության և աստիճանի ձգտում, վորին հասել և
ստորաքարշությամբ, մեծավորների վոտքերի առջև
սովարով: Ո, գյուղացի քաշալ Մեսրոպի տղա Բալոն
դառել և Բալասան աղանույն գյուղի ահն ու սարսա-
փը, Ամենաստոր ճանապարհներով նա հասել և հասա-
րակական սանդուխքի բարձր աստիճանին: Փողի և
պաշտոնի ուժով նա ստրկական հնագանդության մեջ
և պահում գյուղի հասարակությանը: Մի գյուղացի
ալսպիս և պատճառաբանում հասարակության հնա-
գանդությունը Բալասան աղի հանդեպ. «Մարդս հինգ-
տաս շահի յինք պարտք առել՝ ճուտեր ա հանել, մեր
վրա պառկել տակից դուրս չենք կարող գալ, մեղա-

վոր սևերեսի պես լեզուներս կարձա, առաջին գլուխներս ծռում ենք, եղուց, ելոր ունեցածներս տուկի (աճուրդ) կկապի կծախի...»: Փողն ու իշխանությունը նրան դարձրել են գոռող, ամբարտավան, իշխանասեր և անհանգուրժող:

Բալասան աղան տասնյակ ու հարյուրավոր թելերով կապված ե գյուղերի հետ: Ունի իր գործակալները գյուղական ազգաբնակության մեջ, վորոնք դավաճանում են համայնքին ի նպաստ աղայի շահերի, ակնկալելով միաժամանակ իրենց անձնական շահերը: Տանուտեր Խուզոն ալղպիսի հարաբերության մեջ ե Բալասան աղայի հետ: «Հիմի դու ինձ գլամի շինի, տես վոնց եմ տարին չըոլորած շխշխկան մանեթները առաջիդ կիտում, տես հինգ տաս մանեթով վոնց եմ քեզ հաղարներ աժող բաղերի ու մնին հարիր արդում (արդյունք) տվող հողերի տեր շինուած», խոստանում ե Խուզոն Բալասան աղին: Բալասան աղեն հաճակ միջամտում ե գյուղական համայնքի գործերին: Յործ դնելով իր ուժն ու աղղեցությունը՝ գյուղական գործերում առաջ ե քաշում իր շահերին նվիրված մարդկանց: Այսպես, համայնքի կամքին հակառակ նա Խուզոյին տանուտեր ե դարձնում: «Իստակ յերեխանց տակի փալասն ել դուրս կքաշի», — առում են գյուղացիք նրա մասին:

Տաճատ Գնթունին մի կատարյալ ավանտոյուրիստ ե, Միկիտան Սաքոյի պատճենը: Նա Վարագա վանքում յեղել ե Խրիմյանի աշակերտը և այնտեղ սովորել ե ձեռադրեր կեղծել: Այդ «արհեստը» նա դարձրել է ժողովրդին կեղեքելու միջոց: Գնթունին կեղծ մուր-

հակներ և կազմում, ստորագրություններ և կեղծում
և ուրիշ շատ խարդախություններ կատարում։ Բայս-
սան աղի բոլոր մեքենայությունները նրա ձեռքով
են անցնում։ Գնթունին դատարանի գրադիրն և և
գյուղի վարժապետը։ Միաժամանակ նա պարապում է
վաշխառությամբ, հարստահարելով թուրք և հայ աշ-
խատավորությանը։

Պոռշյանն ստեղծելով Գնթունու տիպը, ջարդ ու
փշուր և արել ուռեցրած այն հմայքն ու մեծարան-
քը, վոր լիրերալներն ստեղծել եյին Խրիմյան «Հայ-
րիկի» և Վարագա դպրոցի շուրջը։ Այս հանգամանքն
եր, վոր այնպես կատաղեցրեց Պոռշյանի լիրերալ քըն-
նադատներին, վորոնք փրփուրը բերաններին չլսված
խոսքեր շպրտեցին «Ցեցեր» վեպի և նրա հեղինակի
հասցեյին։

Տանուտեր Խուզոն, Բալասան աղեն և Տաճատ Գըն-
թունին միասին սուրբ լեռը որորդության նման մի բան
են կազմում։ Տանուտեր Խուզոյի մասին ժողովրդա-
կան առածն ասում ե. «Գողլ տանից լինի, յեղը յեր-
դիկից կհանեն»։ Դուրս գալով բուն ժողովրդից, գա-
վաճանում ե նրա շահերին, ոգնում ժողովրդի թշնա-
միներին, նրա հարստահարիչներին։ Խուզոն հետապըն-
դում և միայն իր անձնական շահը։ Հարստանալու,
դիրք ստեղծելու, ժողովրդի վրա իշխանություն ձեռք
բերելու ձգտումով են պայմանավորված Խուզոյի բո-
լոր գործողությունները։ Նա քսու յե և ստորաքարշ՝
Բալասան աղի գարշապարը լիզելով, նրա քմահաճույ-
քին ծառայելով, ոգտվում ե նրա հովանավորությունից՝
աստիճան ու դիրք ձեռք բերելու համար։ Խու-

դո՞ն վորպես իշխանավոր բիրտ ե, վայրենի ու կաշառակեր:

Տեր-Սուքիասը Պռոշյանի բնորոշումով Միկիտան Սաքոյի յերկվորչակն ե՞նրա հետ մի հորից և մի մորից ծնված: Նա գլուղական քահանայի սովորական տիպ ե: Տեր-Սուքիասները չեն ծառայում վորեւ սկզբունքի, նրանց դավանանքը սեփական դրապանն ե և ստամոքսը:

Սրանք են գյուղի քայքայիչները, վորոնց մի ընդհանուր անունով Պռոշյանը ցեցեր և անվանում:

«Յեցեր»-ում նույնպես գլուղական ազգաբնակությունը բողոքում ե, տրտնջում իր վիճակից: Պարտքի տակ ձգմված պարատիրոջ ցանցում խճճված գյուղացին յերբեմն համարձակություն ե ունենում բողոքելու նրա անարդարացի պահանջի գեմ, թեկուղ և այդ իրեն շատ թանգ ե նստում: Գյուղացի Սարոն Բալասան աղին հետեւյալ խոսքերն ե ուղղում, կամենալով արդարացնել պարտքը ժամանակին չտվող գյուղացիներին: «...գարունքը գալիս ա մատներիս միսն ուտում ենք, գիշեր-ցերեկ շան նման տանջվում ենք... ելի երեխեքը տկոր, ելի մի կտոր ցամաք հացի կարոտ, մւր ա գնում, իհարկե քո հրամանոց քիսան ա մտնում. գլուխս քարովը տվի, քեզանից հարյուր հիսուն մանեթ վեր կալա. ես ա հինգ տարի յա, հինգ ենքան տվիլ եմ, գեռ հինգ հարյուր ել կա. ել թնչ ես ուղում. խալիսը գնում են բաղ են տնկում, հողագործության մեջ կյանք ու արև են մաշում, տավար, վոչխար պահում, արեի տակին, սարի թմբին, գող ավաղակի, գել ու գաղանի հետ են կովում, թե ինչ ա մի կտոր ցամաք հաց գտնեն իրենց յերեխեքանց համար.

գու ամառը յայլաների հովումը, ձմեռը գոգոան լու-
խարու կողքին՝ փափուկ բարձի վրա թինկ ես տա-
լիս, ել գյուղացու վրա միտք ել չես ցավացնում, հի-
մի ել յեկել ես յերկու վոտներս մի մաշիկի դնում,
բողազներիս չոքել ես, թե՝ տվեք. հեր որհնած, մեղ-
նից ել լավ կթի կովեր, վոչիսար չենք բաս ի՞նչ ասու-
ծու կրակն ենք: Բրդներս խուզի, մլքիդ յեկայու-
տը անհնձել տուն ածա, պատրաստ բրդած կերակրի
գլխին նստի ու աստծուն փառք տուր»: Գեղը կանգ-
նի գերան կլոտրի—ասում ե մի այլ գյուղացի, հոր-
դորելով համագյուղացիներին դեմ քվեարկել Բալասան
աղի առաջաղբած տանուտիրական թեկնածությանը:
Նույն վեպում Սիսակը համառ ու անհաշտ կոիվ ե
մղում Բալասան աղի ու նրա արբանյակների դեմ,
մերկացնելով նրանց մեքենայությունները: Սիսակը
գյուղի շահերին նվիրված մի կրթված յերիտասարդ
ե: Սա ինտելիգենցիայի այն խավի ներկայացուցիչն
ե, վորի սրտին մոտ ե ժողովրդի շահը—նրա բարեկե-
ցության, յերջանկության ձգտումը:

Պոռշյանի վերջին նշանավոր գործը «Հունոն» ե, վո-
րը նույնպես տպագրվել ե «Մուրճ»-ում (1900 թ.):
Զավիազանց ուշագրավ և Պոռշյանի ստեղծագործության
վերջին շրջանի այս վեպը, սրա հետ մեկ տեղ նաև
«Մեր Խեչոն» պատմվածքը, Հունոն և Խեչոն Պոռշյա-
նի կողմից իգեալականացված ավազակներ են: «Հա-
րամակերների մսակեր Հունոն» ավազակ չե սովորա-
կան իմաստով. նա հալածվում ե ցարական իշխա-
նությունից, վորովիետե հանդինել ե պատժել զոռքա-
յի անիրավացի արարքը, պաշտպանել իր սերը, իր
պատիվը: Գյոզչեցի անվանի հարուստ Մելիք Մըտոյի

տղա Զաքոն չի ճանաչել աղքատ Հունոյի իրավունքը
սիրո խնդրում, նա փորձել ե հարկադրաբար Հունո-
յին հեռացնել չքնաղ Գյուլոյից և ըոնությամբ տի-
րանալ գերջինիու: Հունոն չհանդուրժելով անոանձ հա-
րըստի անիրավությունը սպանել ե նրան, հափշտա-
կել սիրածին, հանձնել մոր խնամքին ու ինքն այ-
նուհետն ավաղակ ե դառել: Իր մասին Հունոն ա-
սում ե.

«Յես կողոպտում, սպանում եմ խեղճ գյուղացու քըր-
տինքը լափողներին, անտեր անտիբական վորբերին
քերթողին, շահին շահ առնողներին, գողին, ավազա-
կին, աղամորդու հայտնի ու թագուն թշնամիներին,
խարերաներին, նրանց, վորոնց տունը բերնե բերան
լիքն ե ու մի հատ փող, մի հատիկ ցորեն իրենց աշ-
խատանքով չի ներս յեկել աստծու ստեղծած ան-
բաղդների դառն աշխատանքի պտուղներն են»:

Այսպիսով Հունոն իրեն պարզ հաշիվ ե տալիս իր
արարքի համար, նա ըմբռնում է իր «ավաղակության»
սոցիալական բովանդակությունը:

«Մեր Խեչոն» պատմվածքում վիպասանը գրում է.
«Վորտեղ աղքատի բերանից պատառ խլող, շահին
շահ առնող, ժլատ հայ ու թուրք կային. ինչ տեղ
իրենց ոահաթին զրկող, նեղացնող կալվածատերեր
կային, ինչ տեղ հոգիք գաղի ծերին չափող բազազ-
ներ, կշեռքում հարամություն անող հացածախներ
կային, կյանքները լորի պոչի պես կարճանում եր,
դժոխքի բաժին ելին լինում: Մեր Խեչոն իր ձեռքով
եր եղախիսներին գնդակախորով անում, կամ վզները
կարմիր թել կապում (մորթել)»:

Հունոն և Խեչոն զենքը ձեռքներին պաշտպանում

են հավասարապես թուրք ու հայ աշխատավորներին, գրա համար նրանք սիրված են ժողովրդից: Իշխանությունից հալածված Հունոն ապաստան ե գտնում աշխատավոր ժողովրդի մոտ: «Վոչ միայն հայ գյուղերումն Հունոն ամենքի գլխի վրա տեղ ունի, —ասում ե նրա մասին մի աշխատավոր գյուղացի, —այլև նույնիսկ աշխատասեր թուրք գյուղերում... Յես խոսում եմ վիզն արեառ, հողագործ, դառն քրտինքով իր ցամաք հացը ճարող թուրքերի մասին»:

Հունոն ու Խեցոն տարբեր աղօղությունների աշխատավորության կողմից ճանաչված ու սիրված, նրանց շահերին նվիրված մարդիկ են: Նրանք ժողովրդի բարեկամներն են, իսկ հարստահարիչների արնախում թըշնամիները: Յարական իշխանության կողմից տաժանակիր աշխատանքի դատապարտված Հունոյի մասին հեղինակն ասում ե. «Ի ցավ Գեղարքունի դավառի թուրք ու հայ ճնշված ու հարստահարված դասակարգի, Սիրիրի ճանապարհն ե բոնել»:

Վեպը կառուցված ե սոցիալական հաստատուն բազայի վրա: Հունոյի պայքարը, դա հարստահարվողների պայքարն ե իրենց հարստահարիչների դեմ, դա աղնիվ աշխատավորի բողոքն ե բիրտ ու յեսամոլ հարուստների դեմ, վեպի հերոսը դասակարգային դիտակցության յեկող գյուղի աշխատավորության տիպական ներկայացուցիչն ե: Հունոն իր հայրենի լեռներից ձեռք ե պարզում քաղաքի աշխատավորության շահերին պաշտպան Պեպոյին ու նրա հետ մեկտեղ բողոքում իշխողների ու շահագործողների բոնության դեմ:

«Աշխարքումս ով ե տվել արդարություն, գութ,

լսղճմտանք, — առում և Հունոն իր մենախոսության մեջ — աշխարքումս արդարն ու լավը նա, յե ով քսակումը վոսկիք, ձեռքին իրավունք ունի, արդարը, լավ անունի տերն ու բարերարը նա յե, ով իրենից անզորին, իրենից խեղճին մըջունի պես վոտքի տակը կըքի, կըճխլի, ճխլիկը կհանի ու գլուխը բարձր բըռնած՝ իր արածով կպարծենա, աշխարհքը նրա գովքը կանի, նրա առաջին խունկ կծխի»:

Ժողովրդի մարդիկ, նրա շահերի արտահայտիչները թեկուզ թույլ են պատկերված, հաճախ ստվերի պես հայտնվում և չքանում են, թեկուզ հետեւողական չեն իրենց պայքարի մեջ (Հունոն վերջիվերջո հանձնվում և իշխանությանը), հաճախ զուրկ դասակարգային խորը գիտակցությունից, բայց և այնպես նրանք վորոշափով արտահայտում են իրենց ժամանակի պայքարը:

Պոռշյանը վերոհիշյալ նշանավոր վեպերից զատ ունի նաև բազմաթիվ մանր պատմվածքներ և պատկերներ, թե առանձին զբարք լույս տեսած և թե պարբերականներում տպագրված։ Տպել և նաև մի շաբք թղթակցություններ զանազան ստորագրություններով կամ անստորագիր։

Պոռշյանը կատարել և թարգմանություններ ոռւս և յեվրոպական հեղինակներից, վորոնցից նշանավոր են և։ Տոլստոյի «Մանկություն և պատանեկություն»-ը, «Կովկասի գերին», Զարլզ Դիկինսի «Դավիթ Կոուպերֆիլդը» և այլն։

*
* *

1899 թ. մայիսի 16-ին Թբիլիսիում Մարկոս Պոլուխանյանի նախաձեռնությամբ տոնվում և Պոռշյա-

Նի գրական գործունեյության 40-ամյա և մանկավարժական գործունեյության 44-ամյա հորելյանները՝ Նույն թվին Պոռշյանն աղատվում ե պաշտոնից և դառնում Ներսիսյան դպրոցի թոշակառու Վահ հորելյանից ստացած գումարը և վճչ կենսաթոշակը, վոր տըրքում եր չատ անկանոն, չեն ապահովում հեղինակին նյութապես: 1904 թվին Սմբատ Շահազիդին ուղած նամակում Պոռշյանը գրում ե. «Ապրես, Սմբատ ջան, լավ ժամանակին հասցըիր, բնակարանի յերեք ամսվա վարձի համար մնացել եյի տարակուսած: Առածը գիտես՝ մուկը ծակը չեր մտնում, ցախավելն ել պոչիցը կապեցին, գոհ չեցինք Ներսիսյան դպրոցի ստացածս ամսական 50 ոռւրլի կենսաթոշակով, այն ել ոգուտոսից սկսած ընդհատվեցավ և մնացինք «անարյուն ժպռանց նման զոդս ծծելով» կարծեմ, ըստ Յեղիշեցի»¹:

Դառն ու վողբերգական եյին Պոռշյանի կյանքի վերջին տարիները: Կնոջ մահը, վոր տեղի ունեցավ 1905 թվին, և ավագ վորդու՝ Պոռշի Սիրիը աքսորվելը՝ հեղափոխական գործունեյության համար, ծայրահեղ հուսահատության հասցըին նրան: Միանդամբց նա կորցըեց նախկին կենսուրախությունն ու աշխուցքը: Անհամբեր մահվան եր սպասում, տառապում եր մենակությունից: Թափառում եր վայրից վայր, 1907 թվի հոկտեմբերին Պոռշյանը թրիլիսիից

¹ 1892 թ. Մոսկվայում առնվեց բանաստեղծ Ա. Շահազիդի 30-ամյա հորելյանը: Հորելյանից գոյացած գումարներից ստեղծվեց «Արովյան-Նազարյան» գրական ֆոնդը, վորի նպատակն եր ոգնել կարիքավոր հայ հեղինակներին: Պոռշյանը ևս նպաստ եր ստանում վերսիցալ ֆոնդից:

Աշտարակ և մեկնում, վերջին անգամ իր սիրած և
անմահացրած ծննդավայրը տեսնելու, Քասախ գետի
ջուրը խմելու և ապա հանգիստ սրտով իր հայրենի
հողում գերեզման իջնելու, «Գնում եմ մեռնելու, իմ
շիրմս պետք ե լինի Աշտարակում, իմ մայրամունդ
գյուղում»—ասում եր նա մտերիմներին։ Բայց այս-
տեղ ևս Պոռշյանը հանգիստ չի գտնում։ Ցեցերի Աշ-
տարակը սառն և դիմավորում նրան։

Պոռշյանը հայրենակիցներին առաջարկում է հասա-
րակության հաշվով շինել իր համար մի սենյակ, վո-
րը նրա մահից հետո կլիներ հասարակական գրադա-
րանի սեփականությունը, սրա փոխարեն նա խոստա-
նում է Աշտարակի հասարակական գրադարանին նվի-
րել իր հարուստ գրադարանը և իր հեղինակություն-
ների ժառանգական իրավունքը, վորը պիտի բերեր
տարեկան լերեք հարյուր ոռուրի յեկամուտ։ Պոռշյա-
նի խնդիրը անուշադրության և մատնվում և նա մի
քանի որ անց կոտրված սրտով թողնում է Աշտարա-
կը, Կրկին վերադառնում է Թթիլիսի, այստեղից հի-
վանդ վիճակում մեկնում է Բագու և ապաստան և
գտնում իր փեսա Ստեփան Տիգրանյանի տանը։ Հի-
վանդությունը որ ավուր ծանրանում է Ավելի յե ծան-
րացնում Պոռշյանի վիճակը նրա միայնակ և մոռաց-
ված լինելը։ «Եսպես ել բան կլինի, — գանգատվում և
անվերջ նա, — իմ բազմաթիվ ծանոթներից վաչ վոք,
վոչ վոք չի այցելում ինձ և չի մխիթարում ինձ. կա-
րոտ եմ կենդանի խոսքի... կարծես Սահարայի անա-
պատում եմ»։ Պոռշյանին տեղափոխում են հիվան-
դանոց, ուր և նա մեռնում է 1907 թվի նոյեմբերի
23-ին (հին տոմարով), առավոտան ժամը 8 և 30 րո-

պելին, 70 տարեկան հասակում։ Դիակը տեղափոխվում է Թբիլիսի և թաղվում Խոջիվանքի գերեզմանոցում՝ կնոջ կողքին։



Պռշյանն իր ընտանիքի հետ

Տաննկար տարիների հեռավորությունից մերաշքերի առաջ այսպես եւ կանգնում նա, աչքաբաց, ժիր, ուշիմ, զարմանալի ընդունակ և ուսումնասեր մի պատանի, չքափորությունից ու մշտական կարիքից անբաժան, խճճված այն ժամանակվա սոսկալի իրականության սարդուտայնի մեջ, վորից հռւահատական ճիգերով մի կերպ դուրս եւ պրծնում ու վոտք դնում

կյանքի տառասկոտ ուղին... ապա խիզախ ու գործունյա յերիտասարդ՝ նոր մտքերի ու ձեռնարկումների համարձակ հղացող ու գործադրող, վոր անդուլ մաքառում ե տգիտության ու նախապաշարմունքի գեմ, հաճախ պայքարից գուրս և ընկնում խոցոտված ու արյունոտված, բայց միշտ հաղթական... վերջապես՝ ֆիզիկապես քայքալված, բայց աշխույժ ու կենսուրախ մի ծերունի իր բաղմանդամ ընտանիքի նյութական հոգսը ուսին—սիրող հայր ու ամուսին, վաստակած, բայց չգնահատված հեղինակ ու հասարակական գործիչ, վերջում՝ միայնության դառն ու հռւսահատական որեր ու տանջալից մահ։ Այսպիսին և բեղմնավոր վիպասանի անցած՝ աղքատության, զըրկանքների, հալածանքների ու դառնությունների 70-ամյա ուղին։

Պոռշյանի ստեղծագործության հաստարուն կաղնին աճել և զարդացել ե ժողովրդական կյանքի արդարվանդ հողի վրա, նրա հյութերով ե սնվել և փարթամացել։ Պոռշյանը բարիս իսկական իմաստով ժողովրդական գրող ե, ժողովրդական կյանքի հարազատարտահայտիչ, իր ստեղծագործությամբ կապված ժողովրդական — աշխատավորական լայն մասսային, նրա մտքի և հոգու աշխարհին։ Ժողովրդական կյանքի հարազատությունը — դեմոկրատիզմը, վորպես վորակ հայ նորագույն գրականության — վիպագրության մեջ առաջին անգամ հանդես բերեց Պոռշյանը, իր ստեղծագործության մեջ առնելով և զարդացնելով Արովյանի «Վերը Հայաստանի» վեպի դեմոկրատական տարրերը, հակադրվելով նրա նացիոնալիզմին։ Աբովյանի վեպը խարսխված չեր ժողովրդական կյանքի վրա, իր հիմ-

Նական տրամադրությամբ հետու յեր նրա կյանքից ու
վոգուց: Սակայն Արովյանի վեպը միաժամանակ ու-
ներ ժողովրդին հարազատ, ժողովրդից յեկող տարր:
Դա նախ և առաջ ժողովրդական կենդանի լեզուն եր,
Քանաքեռի բարբառը և ապա Քանաքեռի կենցաղի—
սովորությունների մի քանի կողմի իրական նկարա-
գրությունը: Արովյանի վեպի այս տարրն ե, վոր ան-
ցել ե Պոռշյանին, նրա ստեղծագործության մեջ դար-
դացել վորակ և դարձել:

Անցյալում լիբերալ քննադատության կողմից կամ
բոլորովին մոռացության և տրվել Պոռշյանը կամ լո-
վագույն դեպքում համեմատության մեջ դրվելով Ա-
րովյանի հետ՝ ստորադասվել ե, համարվել անշնորք,
անտաղանդ, վերջնիս ուժն ու խորությունը չունե-
ցող: Պոռշյանի ստեղծագործությունը չի ընդունվել և
չի ճանաչվել վորպես նորորակ արժեք, վորպես նոր
մուծում հայ նո ազույն գրականության գանձարանը:

Շարունակելով լիբերալ քննադատության գիծը, մեր
որերում Պոռշյանի ստեղծագործությունն արժեքա-
դրկելու փորձ են կատարել նացիոնալիստ – հակահ-
ղափոխականները, Ժողովրդի և նրա ստեղծած կու-
տուրայի թշնամինների միտումն ալսուել արտահայտ-
վել ե իր ամբողջ մերկությամբ: Նվաստացնել վար-
կարեկել անցյալի դեմոկրատական կուլտուրայի խո-
շորագույն արժեքները — ահա թե վորն եր այդ միտու-
մը: Գյուղագիրների (Պոռշյան, Աղայան) մասին ար-
տահայտած Բաֆֆու արհամարհական կարծիքը, պարզ
է, վոր բաժանում ելին նացիոնալիստները, վորքան
ել նրանք կամենալին քողարկել այդ: Պոռշյանի նը-
կատմամբ նրանք ճգնել են ցույց տալ վոր դեմոկ-

բատ վիպասանը կղերա-ֆեոդալական հոսանքի ալ-
տահայտիչն ե:

Պոռշյանի լերկերն անշուշտ հեռու յեն գեղարվես-
տական կատարելություններ լինելուց, նրանք հաճախ
մեղանչում են արվեստի պահանջների դեմ, յերբեմն
փաստերը, ինչպիս ավելորդ բեռ, ձնշում, ծանրաց-
նում են վեպը, չեն մեկնաբանվում, չեն լուծվում յեր-
կի սյուժեի ընդհանուր կառուցվածքի մեջ ու մնում
են վորպես սոսկ լուսանկարչական փաստեր, նրա դա-
դափարախոսությունը նույնիսկ զերծ չի պահպանո-
ղական և նացիոնալիստական վորոշ տարրերից, այ-
սուհանդերձ Պոռշյանն իր ստեղծագործությունների
ամենու արժեքավոր մասով հանդիսանում ե գյուղա-
կան դեմոկրատիայի լավագույն իզերի ամենահա-
րադատ արտահայտիչներից մեկը՝ Դրանով ել նա մոռ-
ու հարադատ ե մեզ:

Հայկական Խորհրդային Սոցիալիստական Հանրա-
պետությունը և նրա հետ մեկտեղ նոր Աշտարակը,
մեծ շուրջով տոնում են տառապանքով վաստակած,
բայց անցյալում չգնահատված հոչակավոր վիպասանի-
ծննդյան 100-ամյակը և մահվան 30-ամյակը: Յերախ-
տավոր հեղինակը վերջապիս գտավ իր իսկական գնա-
հատողներին այսպիսի հաւաքակարգում, ուր լուծ-
ված ե անիծյալ «հացի խնդիրը» և վերացված ե մար-
դու շահագործումը մարդու կողմից:



ՊԵՐՃ ՊՈՌՇՅԱՆԻ ԳԵՂԱՐՎԵՍՏԱԿԱՆ ՅԵՐԿԵՐՆ
ԱՌԱՋԻՆ ԳՐՅԵՐՈՎ—

- «Սոս և Վարդիթեր» Լույս և տեսել՝ 1860 թ. Թիֆլիս, 1887 թ. Ցեղան, 1903 թ. Բաղուտ.
- «Աղասի» (փողբերդություն). 1863 թ. Թիֆլիս:
- «Կովածաղիկ» 1878 թ. և 1879 թ. Թիֆլիս:
- «Հայրի խնդիր» 1880 թ. Թիֆլիս, 1904 թ. Բաղուտ:
- «Շահնշան» 1883 թ. Թիֆլիս, 1905 թ. Բաղուտ:
- «Ծննդեր» 1889 թ. Թիֆլիս:
- «Բղդես» 1890 թ. Թիֆլիս:
- «Մկնպն յերկանց» 1892 թ. Թիֆլիս:
- «Հուշիկներ» (ա. շրջան). 1894 թ. Թիֆլիս:
- «Ակցիզի» (պատկեր) 1896 թ. Թիֆլիս:
- «Նա» (պատկեր). 1896 թ. Թիֆլիս:
- «Միքաել աղենց Աբգուլը» (զրույց). 1896 թ. Թիֆլիս:
- «Մեր Խեչոն» (զրույց). 1899 թ. Թիֆլիս:
- «Յեղդի Մկրտչենց տունը» (պատկեր). 1899 թ. Թիֆլիս:
- «Հունոն» 1901 թ. Թիֆլիս:

Թարգմանություններ

- ՏՈՂՑՈՅՑ, Լ. Կովկասի գերին. 1891 թ. Թիֆլիս:
- ՄՈՒԳՈՍԵՐ Ցեղակու յեղբայր. 1895 թ. Թիֆլիս:
- ԴԻԿԿԵՆՍ. Դավիթ Կոստանդնովիդ. 1897 թ. Թիֆլիս:
- ՍԼԻՎԻՑԻ. Խորամանկ աղվեսը. 1898 թ. Թիֆլիս:
- ՏՈՂՑՈՅՑ, Լ. Մանկություն և պատանեկություն. 1899 թ. Թիֆլիս:
- ԴԻՄԻՏՐԻՑԵՎ, Վ. Մանչուկն ու Կուտիկը. 1899 թ. Թիֆլիս:
- Զեսիկայի առաջին աղոթքը. 1899 թ. Թիֆլիս:
- ՈՃԵՇԿԱ. Ե. Յափ արկածքները. 1900 թ. Թիֆլիս:
- ԳՈԴՈԼ. Ամուսնություն. 1904 թ. Թիֆլիս:
- ՎԵՐԵՍՍԵՎԵՎ, Վ. Մի անմեղ մարդու սոսկալի մահը. 1905 թ. Թիֆլիս:
- ԻՎԱՆՈՎԻՉ. Ավոյենց Ստեփանը. 1910 թ. Թիֆլիս:

Գլավլիտի լիազոր 9241 պատվեր 1134

Հրատ. 4236 տիրաժ 4000

Պետհրատի ապաքան, Յերկան, Լենինի գ., № 65

(404)

ԳԱԱ Հիմնարար գիտ. գրադ.



FL0043047

